

NKHONGONO YA

CHIUTA YA KUSINTHA

Yewo, m'bale. [M'bale Carl Williams wakuti, "Nadi ndi mwaŵi kuŵa na M'bale Branham kwizanga kawirikawiri ku Phoenix. Ine nkhughanaghana kuti iyo wakwiza ku Phoenix kawirikawiri chomene kuruska kunyake kulikose. Ndipo ise tikukhumba kuti iyo warutirire kwizanga, malinga ine ndiriko kuno, munthowa yiriyose. Chiuta wakutumbike iwe, M'bale Branham."—Munozgi] Nawonga—nawonga, M'bale Williams.

Monire, wabwezi. Ine ndine... Banja ili la Shakarian, M'bale Williams na Mlongosi Williams na wanandi wa iwo kuno wakumanya za ichi. Ine nkhachiwona icho mu mboniwoni, pafupifupi virimika viŵiri kufika vitatu pambere iyo wakaŵa wandarware, ndipo ichi chikachitika.

² Ndipo chirimika chamara para ise tikaŵa kuno, ine nkhugomezga mukawâ mu Janyuware, pa ungano ukuru, yikawâ nyengo apo kuti wasembe yura (Kasi zina lake ndinjani? Ine ndaruwa zina lake sono.) wakaŵa kuno. [Munyake wakuti, "Stanley."—Munozgi] Stanley, Bishopu Stanley, kufumira ku mpingo wa Katolika. Imwe mukukumbukira para iyo wakanizira na Baibolo, imwe mukumanya, ndipo iyo wakayowoya kwa ine...

Pakaŵa kuchima kunandi, "Mwana wane mwanakazi, iwe wachira."

³ Ndipo iyo wakamanya kuti mboniwoni yikayowoya kuti iyo wachirenge yayi. "Iyo wati wafwenge pakatikati pa thu na firii koloko mlenji." Mukukumbukira icho? [Munyake wakuti, "Enya."—Munozgi] Ntheura, thu panji firii koloko.

⁴ Ndipo ine nkhamuphalira yayi Demos. Ndipo kweni ine nkhaphalira mama wake wa msangapo, nkhanira mu chipinda, nkhanira kusiryka malo uku. Ine nkhati, "Iyo wachirenge yayi."

Mrs. Shakarian wakati, "Enya, waliyose wakuchima."

⁵ Ine nkhati, "Nkhumanya, ine ningamanya kunangiska, ndamwene, kweni ine nkhayowoya ichi. Iyo wachirenge yayi."

⁶ Ine nkhaphalira wanandi wa iwo, pafupifupi virimika vitatu vyajumpha, "Ine nkhamuwona iyo wakuyezga kuthaska umoyo wake, ndipo iyo wakanjira mu chipinda. Ndipo iyo wakakwezga mawoko ghake ndipo wakachemerezga kwa ine, ngati ntheura. Ndipo ine—ine nkhatondeka nanga nkhumufika iyo. Ndipo pamanyuma ine nkhamuwona iyo wakufwa. Ndipo

ine nkhalawiska, ndipo kula kukaŵa chinyake, pakawa koloko, ndipo iyi yikati ndi yinyake pakatikati pa thu na firii koloko.”

⁷ Ndipo ntheura bishop wakati, “Enya, ine ndilindizgenge waka na kuwona umo ichi chichitikirenge.” Ntheura, ichi chikachitika.

⁸ Ise tiri na chitima chomene. Ine nkhuwona kuti mpingo wataya munthu wakuzirwa, mwa Mlongosi Florence Shakarian. Kweni, iyo wakaŵa mwimbi mukuru, iyo wakaŵa mwanakazi wakuzuzgika na Mzimu.

⁹ Ine nkhaŵa na mama wake; mama wake wakaŵa yumoza wa ūakukumana nawo ūakudankha ine nkhamumana nawo ku Mphaka za Kuzambwe, para mama wake wakati wachizgika. Para madokotala... Iyo wakaŵa chikomokere, ndipo wakatupa yose. Ndipo ntheura a—dokotala uyo wakaŵa kula wakandiphalira ine, wakati, “Sono ukhale nkhanira chete para iwe ukuromba. Kupanga chiwawa chikuru yayi. Mwanakazi wakufwa.”

Ine nkhati, “Enya, bwana.”

¹⁰ Ndipo iyo wakayowoya, pamanyuma, wakarutirira waka kuniphaliranga ine. Ndipo, enya, ine nkhaŵavye nanga ndi mwaŵi kuti njure mlomo wane, ntheura.

¹¹ Ntheura, wakaŵa M’bale Demos wakandiphalira ine kuti nirute ndipo nkhamuwone iyo.

¹² Ntheura, ine nkharuta mu chipinda cha muchanya. Ndipo Florence wakagwada pasi, na msungwana muchoko wakutowa, na ūanakazi ūanyake ūanandi. Ndipo nkharuta kwenekula ndipo nkhamurombera iyo, ndipo nkaphara ichi. Ndipo iyo wakaŵa chikomokere. Ndipo nkhamuphalira iyo kuti iyo wawukengeso. Ndipo iyo wakachita. Pakati pajumphwa virimika vingapo, iyo wakafwa. Ndipo sono Chiuta wakuzgora malurombo ghithu.

¹³ Ndipo ise tikumanya icho, ise tikugomezga kuti ise tose tafika kuno mwa khumbo la Chiuta, ndipo ise tikuruta munthowa yenyeyira. Yumoza na yumoza, ise tiporotenge chipata chira. Ndipo ndicho chifukwa ise tiri muno mlenji uwu, tawungana pamoza mu Christian Business Men Fellowship, ntchakuti tiyoyoyepo za vinthu ivi, na kuvinozgekera ivi, chifukwa ise tikumanya kuti nadi ivi vitizenge.

¹⁴ Sono Mlongosi Florence ndi mwanakazi wachisungwana, virimika fote-thu vyakubabika, M’bale Williams wandiphalira waka ine, ndipo ndi mwanichi chomene. Kweni pambere iwo... iyo wakamanya kuti iyo wakaŵa na nthenda iyi, chifukwa, ine nkawona mboniwoni ya iyo, ndipo wakandiphalira ine icho chichitikenge. Ntheura, ichi chiwenge... Chiuta wakumanya vyose vya ichi, ndipo iyo kuwonanga Yesu mu chipinda pambere iyo wakaŵa wendarute. Ise tikukhumba yayi kuti timurombere

iyo, chifukwa ise tiri kuchita icho kanandi chomene. Ise tikukhumba waka kuti timuwonge Chiuta chifukwa cha umoyo uwo wanguŵa pakati pithu, uwo ukatikuŵirizga ise tose, ngati Mlongosi Shakarian.

¹⁵ Ndipo ise tikukhumba kuti tirombere M'bale Demos, Mlongosi Rose. Ndipo kumbukirani, iwo ūali kuŵa na kutimbika kukuru kwakofya mu umoyo wawo, mu waumaliro...ndi dada wake, na mlongosi wake sono mu vyake...virimika vyaumaliro. [Munyake wakuyowoya kwa M'bale Branham—Munozgi] Kweni, ndipo, enya, pambere yindakwane...yindakwane, myezi teni; ndipo Mlongosi—Mlongosi Edna, nayoso.

¹⁶ Ntheura, ine nkhumanya umo ningamupembuzgira M'bale Demos. Ine nkhwâna dada, munung'una, muwoli, na mwana, kuti ūkaruta mkatikati mwa mazuŵa ghachoko kutalikirana, ntheura ine—ine nkhumanya umo iyo wakupulikira mlenji uwu. Imwe mukumanya para imwe mwayimirira mu skapato zira, apo ndipo imwe mukumanya umo imwe mungapembuzgira. Ndipo...

¹⁷ [Vyakukwezgera mazgu vikupanga chiwawa—Munozgi] Ine nanguchita icho ndine. Mundigowokere ine. Ine nangukhwaska kanthu kachoko pasi uku kumalo kunyake, na woko lane. Ntheura ine ndine—ine nkuphepiska ine napangiska ichi kukwera chomene, ndipo ntha nang'anamuranga kuchita icho.

¹⁸ Ntheura tiyeni tiyimirire sono apo ise...usange imwe mungachita, usange ichi ndi...Tiyeni tisindamiske mutu withu.

¹⁹ Wadada Ŵakuchanya, ise tawungana muno mlenji uwu kuti timusopeni Imwe, ndipo kuti timupeni Imwe viwongo na marumbo, chifukwa cha kutuma Yesu Muwomboli withu, kuti ise tiri na chigomezgo kuti para umoyo uwu wamara, kuwona kuti ichi ntchambura kusimikizika chomene kuti ise tikhallenge ūamoyo kuno nyengo yose. Ndipo, Wadada, kuwona kawiro kachitima ako mathupi agha ghangamanya kunjiramo, ise ndise ŵakukondwa kuti ise ntha tikwenera kukhala pano nyengo zose. Imwe muli kupanga nthowa yakufyolowokera, kukhira kujumpha chidikha cha nyifwa.

²⁰ Ndipo, Wadada, ise ndise ŵakuwonga kwa Imwe mlenji uwu, chifukwa cha umoyo wa yumoza uyo wakayima na ise, pambere pandajumphe chirimika chimoza, wakimbanga marumbo Ghinu, Mlongosi Florence Shakarian, umo ise tikumumanyira iyo. Ndipo Imwe mukatiphalira ise kale kumanyuma, nanga ndi virimika, kuti ichi chizamkuchitika, kuti ichi ntha chiŵenge chakuzukumiska chomene kwa ise. Ndipo ise tikumanya icho Imwe mukuyowoya ndi unenesko. Ndipo ntheura Mazgu Ghinu ghakuti, “Munthu uyo ngwakubabika na mwanakazi, ngwakuzura na mazuŵa ghachoko ndipo ngakuzura na masuzgo.” Ise tikumanya uwo ndi unenesko, Fumu.

Ise tikumanya ise tose tikwenera kuti tiyendere ku chidikha icho. Ntheura ise tikumuwongani Imwe chifukwa cha umoyo wake uwo ukawâ pano pa charu chapasi. Ndipo kugomezganga mwa chipulikano, kuti sono, mlenji uwu, iyo wajumpa kufuma ku nyumba iyi ya urwari, wanjira mu thupi lauchindami ilo lingarwara yayi. Ndipo maluso ghake gha kwimba, na mazgu agho iyo wakawâ nagho, ndipo mzimu wake ngwakusangwa nkhanira mu uchizi na Khristu! Kuti iyo wawerere mlenji uwu, iyo wangachita yayi munthowa yiriyose; iyo wakwenera kuti wayendere mose umu kamozaso. Cheneicho, sono ichi chamara, iyo wali na mama wake na dada wake. Iwo âwakachemera mwana wawo kunyumba. Ntheura, ise—ise tikumuwongani Imwe.

²¹ Ise tikukhumba kuti tirombere chipembuzgo, kwa M'bale withu Shakarian, m'bale withu wakutemweka, kumanyanga a—umoyo uwo iyo wali kukhala, na vyakutombogza ivyo iyo wakwendamo mu mazuâ ghaumaliro agha, na umo iyo waliri; kumuwona iyo wakuchekura, ndipo sisi lake likumara, ndipo mapewa ghake ghakubwanthuka, ndipo kwensi wakuyezganga kukhala pa malo gha uteâeti kutumikira Chiuta. Chiuta, mupaseni nkongono muhanyauno. Ise tikuromba, Chiuta, kuti Imwe muperekenge ichi. Kwa imwe mose mwâweneimwe mwasauskika na kuruta kwake, ise tikurombera waliyose yumozayumoza.

²² Ndipo tizomerezgeni ise, Fumu, apo ise tikughanaghana za ichi, tikumbukire kuti ise naseso tikwenera kuti tirute dazi linyake. Apo ise takhala pamoza muno mu Kuâapo kwa Fumu Yesu, ise tikuromba kuti Imwe muperekenge ichi chiphya ku chikumbumtima chithu. Ndipo tizomerezgeni ise tijisande, umo kukaâwira, panji titore kafukufuku wa maumoyo ghithu, kuti ise tiwé pasi pa Ndopa na mu Chipulikano. Perekani ichi, Fumu.

²³ Sono apo ine nkuyezga pasi mu vyakuchitika ivi kuti ndiperekere uthenga uchoko ku ânthu, muhanyauno, ine nkhuromba kuti Imwe mundivwirenge ine, Fumu. Mundipe nkongono ine, pakuti ine—ine—ine nkuchikhumba ichi, Fumu. Ndipo ine nkhuromba kuti Imwe muperekenge ichi. Ndipo nkhuromba chiyake chiyowoyeke icho chimuchindikeninge Imwe. Ndipo usange âwêngepo âwanyake pasi pa kupulika kwa mazgu ghithu mlenji uwu, awo nthâ mbakunozgeka kukumana na ora ilo liri kunthazi kwawo, mphanyi iyi yiâwe nyengo kuti para iwo âwajiperekenge kwa Iyo Uyo wakati, “Ine ndine Nthowa, Umoyo, Unenesko,” nanga ndi Fumu yithu Yesu Khristu. Pakuti ise tikuromba ichi mu Zina Lake. Amen. (Imwe mungamanya kukhala pasi.)

²⁴ [Munyake pa gome wakuyowoya kwa M'bale Branham—Munozgi] M'bale apa wakukhumba kuti wamanye usange waliyose wakupulika makora. Iyo wali na mamayiki ghaâwiri ghakugwira ntchito. Kasi icho chiri makora? Kasi imwe mukupulika? Kwezgani muchanya mawoko ghinu usange imwe

mungachita. Kasi imwe mukupulika? Kwezgani mawoko ghinu. Viri makora.

²⁵ Ine nkuphepiska kuti ise tilije malo ghakuti waliyose wangakhalapo mlenji uwu. Ndipo ise tikugomezga kuti ine ntha ndikhallenge kuno nyengo yitali chomene, yikuru waka yakuti panyake yititorere waka ise ku kuwazgika kwa Mazgu; kuti Yehova Chiuta wachindikenge Mazgu Ghake agho ghakuwazgika, ndipo ghatipenye ise uchizi Wake, mwakuti ise tingamanya kumutumikira Iyo kwizira mu ichi.

²⁶ Sono ine nanguphalirika na Billy Paul, mlenji uwu, mwakuti ichi panyake chingwa chamachitiko kuti ise tingazakayowoya pa Sabata yikwiza ku Grantway Assembly of God, mu Tucson. Usange walimo munyake muno wakufuma ku Tucson, ine panyake nimuwonganinge yayi imwe sabata iyi. Ine ndamkuwa ku Grantway Assembly of God, pa Sabata yikwiza.

²⁷ Ntheura sono ise tafika waka kufuma kumtunda Kuvuma, ndipo ine nkhuwa ngati najifokeska ndamwene pachoko, chifukwa cha kurya mwakujumphizga, chifukwa cha chisungusungu chikuru cha wantru kusika mu mapiri. Ndipo—ndipo ine nkharwara, ntheura ine ndapulika makora yayi sabata iyi. Ntheura, imwe mundirombere ine. Ndipo . . .

²⁸ [Munyake wakuti, “Wa opossum wanandi chomene.”—Munozgi] Ukuti vichi? [“Wa opossum wanandi chomene.”] M’bale Carl Williams na ka’wiyo kake ka milangwe, ndipo ine nkughanaghana kuti ise tikuchikhumba ichi sono nthena, iyo wakati, “Wa opossum wanandi chomene.” Ine nkhumanya yayi za icho, M’bale Carl, kweni unandi wose wa wabenga.

²⁹ Ntheura imwe mukukhumba kuti murombere munyake mlenji uwu, chifukwa, ine—ine nkhuwonga chomene usange ili lingawa lurombo linyake la ine, chifukwa ine—ine nkuchikhumba ichi.

Sono ise tikukhumba kuti tinjire mwaluwiro mu Mazgu.

³⁰ Ndipo ine nkukhumba yayi kuti ndimusungeni muno nyengo yitali chomene, chifukwa ine nkugomezga kuli kulumikizika kwa telefoni kukujumpha mu charu, pa uwu mlenji uwu, kukuruta ulendo wose kufuma ku Mphaka za Kuzambwe kufika ku Mphaka za Kuvuma, kufuma Kumpoto na Kumwera. Ghanandi, magulu ghanandi ghali nagho malo agha umo imwe mose mukawira nagho kuno pa kachisi. Iyi yikalumikizikaso mu Phoenix, kuti kulikose uko kuli visopo, uwu ukwiza nkhanira mu a . . . Ndipo iwo wakuwungana mu matchalitchi na mu zinyumba, na vinthu ngati ivyo, kwizira mu mphepo ziweme chomene. Iwo wakuti iyi yiriko makora kuruska kuwuruska. Ndi kulumikizika kwa telefoni, iwo wakuwikkamo cha kupulikizirako panji mayikurofoni, panji chirichose chiriko, mu chipinda. Ndipo iwo . . . Muwoli wane wakayowoya, kwizanga kufuma ku Indiana sabata yamara, kuhirira ku

Tucson, chikaŵa waka chimozi mozi ngati wayimirira mu chipinda. Ntheura ise tikuromba kuti Chiuta watumbike wose ūwali pa kulumikizika mlenji uwu, kulikose iwo ūwali. Kumtunda mu New York sono iyi yiŵenge, o, ku muhanya, na nyengo zakupambanapambana apo ili likujumpha charu.

³¹ Sono uko mu Buku la Ħaroma, chipatulo 12, ndipo mavesi 1 na 2, ise tikukhumba—tikukhumba kuti tiŵazge Lemba ili.

Ine ntheura nkhumuŵeyani imwe, āwabale, mwa lusungu lwa Chiuta, kuti imwe mupereke mathupi ghinu ngati sembe yamoyo, yitūwa, na yakupokererera kwa Chiuta, cheneicho ndi uteŵeti winu uweme.

Ndipo ntha mungalinizgikanga ku charu ichi: kweni imwe musinthike mwa kuwereramo kwa malingaliro ghinu, mwakuti imwe mungamanya kusimikizgira cheneicho ntchiweme, na lakufikapo...liweme, lakuzomerezgeka, na lakufikapo, khumbo la Chiuta.

³² Sono, usange Fumu yazomerezga, ine nkhukhumba kuti nditore chisambizgo chane cha mlenji uwu, pa: *Nkhongono Ya Chiuta Ya Kusintha*.

Mwakuti imwe mureke kuŵa wakulinganizgika ku charu ichi: kweni muŵe...ŵakusinthika mwakuchita kuwereramo kwa malingaliro ghinu, sono, ndipo simikizgirani cheneicho ntchiweme, chakufikapo, na lakuzomerezgeka, khumbo la Chiuta.

³³ Ndi nkhani yakale yakumanyikwa iyo ūwali ūwinu ūwanandi ūwali kugwiriskapo ntchito kujumpha mu nyengo yinu. Iyi yiri kugwiriskika ntchito kufumira apo Iyi yikalembekera. Kweni ndipouli, chinthu chimoza za Mazgu gha Chiuta, Igho ghakusukuruka yayi, chifukwa Igho ndi Chiuta. Igho ghakusukuruka yayi. Kujumpha mu muwiro uliwose sono, pafupifupi kufika, virimika twente-eyiti handiredi, panji kujumphirapo, Mazgu agha gha Chiuta ghali kuŵazgika na ūwanthus, ūwasofi, na ūwanyake ntheura, ndipo Igho ghakusukuruka yayi. Ine nakhala nkhuŵazga Iyi, ndamwene, pa virimika vinyake sate-fayivi. Ndipo nyengo yiriyose para ine nkhaŵazga Iyi, ine nkhusanga chinyake chiphyah icho ine nkhawona pa nyengo yakudankha. Chifukwa, Iyi njakukhuŵirizgika, Uyu ndi Chiuta mu kawonekero ka lemba. Wonani, Agha ndi maukhaliro gha Chiuta ghakuyowoya, ndipo għawikika pa pepala.

³⁴ Nyengo zinandi, munthu wakati, “Enya, sono, munthu wakalemBaibolo ili.” Yayi. Baibolo likuyowoya, Ilolene, kuti Chiuta wakalemBaibolo. Ndi Mazgu gha Chiuta.

³⁵ Ndipo Ichi chingatondeka yayi. Yesu wakati, “Kuchanya na charu chapasi vitondekenge, vimarenge, kweni Mazgu Ghane ghazamkutondeka yayi.” Ndipo Ichi chingatondeka yayi, na kuŵa Chiuta, chifukwa Ichi ndi gawo la Iyo.

³⁶ Ndipo ntheura iwe pakuŵa mwana Wake mwanarumi na mwana mwanakazi, iwe ndiwe gawo la Ichi, ndipo icho chikukupanga iwe gawo la Iyo. Ntheura ndicho chifukwa ise tikwiza kuzakasopa pamoza pa Mazgu gha Chiuta.

³⁷ Sono lizgu ili lakuti *kusinthika*, ine nkhanpenja ili mu dikishonare, mayiro. Penepapo, ine pafupifupi nkaphonya mpata wa nyengo iyo ine nkayenera kuŵa kumtunda kuno, para ine nkhanpenjanga makani, ndipo ine nkhlasanga lizgu ili, panji nkhanî iyi, mphanyiko, Lemba. Ndipo mu dikishonare ili likuyowoya kuti ichi ndi “chinyake icho chiri kusintha.” Ichi chikwenera kuti ichi “chisinthike.” *Kusinthika*, “kupangika mwakulekana na icho chikawapo, ichi chiri...nkharo yake na chinyake chirichose chiri kusintha mu ichi,” *kusintha*.

³⁸ Ndipo ine kughaghananga mlenji uwu, mu Genesis 1. Charu ichi chikâwa chambura mawonekero, ndipo chikâwa chambura kanthu, ndipo mdima ukaŵa pa charu chapasi; pakaŵavye chirichose kwensi chitimaheti cheneko. Ndipo para charu ichi chikâwa mu kaŵiro ako, Mzimu wa Chiuta ukayendanga pachanya pa maji, ndipo chithuzithuzi chose chikasinha; kufuma ku chitimaheti cheneko, kufika ku munda wa Eden. Iyo ndi nkongono yakusintha ya Chiuta, iyo yingamanya kutora chinyake icho ndi kanthu yayi na kupanga chinyake chakuziziswa kufuma ku ichi. Nkhongono ya Chiuta yakusintha!

³⁹ Ndipo ise tikupulika kuti, pa kuchita kuŵazga Malemba, kuti Chiuta wakatora sikisi—virimika sikisi sauzandi mu kupanga kunozgekera uku kwa Eden uyu. Sono, Iyo panyake ntha wakatora nyengo yitali ntheura; kwensi kughaghaniranga waka, na kutoranga ichi kufuma mu Malemba uko Ili likati “dazi limoza kwa Chiuta, ndi virimika sauzandi pa charu chapasi,” ndiko kuti, usange Chiuta wangapenda nyengo. Ndipo tiyowoye kuti vikaŵa virimika sikisi sauzandi ivyo Iyo wakatora mu kupanga charu chapasi, ndipo Iyo wakapanda pa charu chapasi mbewu zose ziwe. Chose chikâwa waka makoraghene.

⁴⁰ Ine nkughaghanhana, nyengo zinandi, para nanga ndi wakususka wakuyamba kuŵazga Buku la Genesis, iwo wakuyamba kususka Ichi, chifukwa ichi chikuwoneka ngati kuti Ichi rutaruta chikuijerezga Ichochekha, panji chikukuponya iwe kuwaro uku na uko.

⁴¹ Kweni usange ise tingalaŵiska waka pa kanyengo, pambere ise tindanjire mu nkhanî yithu, kuti, Moses wakawona mboniwoni. Ndipo Chiuta wakayowoya kwa iyo. Chiuta wakayowoya kwa Moses maso na maso, mlomo ku khutu. Sono, Iyo ntha wakayowoyapo kwa munthu munyake waliyose ngati ntheura, umo Iyo wakachitira kwa Moses. Sono, Moses wakaŵa mukuru, yumoza wa waprofeti wakuruŵakuru chomene. Iyo wakaŵa chilinganizgo cha Khristu. Ndipo sono Chiuta

wangamanya kuyowoya, Iyo wali na lizgu. Ili liri kupulikikwa. Chiuta wangamanya kuyowoya.

⁴² Ndipo Chiuta wangamanya kulemba. Chiuta wakalemba Marango khumi na njoŵe Yake Yekha. Iyo wakalemba pa viliŵa vya—vya Babulone nyengo yimoza, na njoŵe Yake. Iyo wakasindama ndipo wakalemba pa muchenga nyengo yimoza, na njoŵe Yake. Chiuta wangamanya kuyowoya. Chiuta wangamanya kuŵazga. Chiuta wangamanya kulemba.

⁴³ Chiuta ndi Mbwiwi ya uchizi wose na Nkhongono, ndipo vinjeru vyose Vyauzimu, viri mwa Chiuta. Ntheura ipo, pakumanya kuti, Iyo ndi Mlengi yekha pera uyo waliko. Kulije mlengi munyake kweni Chiuta. Satana wangalenga yayi, napachoko pose, iyo wakutimbanizga waka icho chiri kulengeka. Kwени Chiuta ndiyo yekha Mlengi.

⁴⁴ Ipo, Iyo wakalenga mwa Mazgu Ghake. Iyo wakatuma Mazgu Ghake. Ntheura mbewu zose izo Iyo wakaŵika pa charu chapasi, Iyo wakalenga mbewu zira mwa Mazgu Ghake Yekha, pakuti kukaŵavye chinyake chakuti mbewu zipangike kufuma ku ichi. Iyo wakaŵikamo izi, ndipo zikâwa pasi pa maji. Iyo wakati waka, “Kuŵeko *ichi*, ndipo kuŵeko *icho*.”

⁴⁵ Sono ise tikusanga kuti, nyengo zinandi, chikuwoneka ngati kuti Baibolo likuwerezga panji kuyowoya chinyake ku icho Ili likuyowoya yayi. Mwa kuyezgerera, mu Genesis 1 ise tikusanga kuti, “Chiuta wakalenga munthu mu chikozgo Chake Yekha, mu chikozgo cha Chiuta Iyo wakamulenga iyo; mwanarumi na mwanakazi Iyo wakaŵalenga iwo.” Ndipo pamanyuma Iyo wakurutirira, ndipo vinthu vinandi vikachitika pa charu chapasi.

⁴⁶ Ntheura ise tikusanga kuti, kukaŵavye munthu wakuti walime dongo. “Ntheura Chiuta wakalenga munthu kufuma ku dongo la charu chapasi.” Yura wakaŵa munthu wakulekana. “Ndipo Iyo wakathutira mzimu wa umoyo mwa iyo, ndipo iyo wakazgoka uzima wamoyo.”

⁴⁷ Munthu wakudankha wakaŵa mu chikozgo cha Chiuta, uwo ndi Mzimu. Yohane 4, wakuti, “Chiuta ndi Mzimu, ndipo iwo ūneawo ūkumusopa Iyo ūkawenera kumusopa Iyo mu Mzimu na mu Unenesko.” Kweni Chiuta ndi Mzimu. Ndipo munthu wakudankha, uyo Iyo wakalenga, wakaŵa munthu-wauzimu, ndipo iyo wakaŵa mu chikozgo na mu chilinganizgo cha Chiuta.

⁴⁸ Ndipo ntheura Iyo wakamuŵika munthu uyu mu thupi, ndipo munthu wakawa. Ntheura pamanyuma Chiuta wakakhira pasi ndipo wakazgoka kuŵa mu chikozgo cha munthu, mwakuti Iyo wangamanya kumuwombora munthu wakuwa yura. Iyo ndi nkhanî yeneko ya Ivangeli, ku kwane—ku kulingalira kwane.

⁴⁹ Sono, Chiuta, mu virimika sikisi sauzandi, wakapanda mbewu ziweme zose izi, panji Iyo wakayowoya Mazgu Ghake. “Ichi chizamkuŵa *mwantheura*. Khuni *ili* lizamkuŵa ntheura.

Ichi chizamkuwa ntheura." Chirichose chikawa makora waka. Ichi chikawa waka chiweme. Ndipo Iyo wakalangura yiriyose ya mbewu zira icho izi zizamkuwa, izo zizamkujisinthia izozekha kufika ku chakumera cha mtundu wa umoyo uwo Mazgu gha Chiuta ghakayowoya mwa izo icho zizamkuwa. Usange likawa khuni la oak, ili likayenera kuti libabe oak. Usange ili likawa mkama, ili likayenera kuti libabe mkama.

⁵⁰ Chifukwa, Mlengi mukuru waka wa kuti watuma waka Mazgu Ghake, ndipo mbewu ya Mazgu yika wako kula pambere mbewu yeneko yika wa yindapangike. Ndipo Mazgu ghakapanga mbewu. Wonani, "Iyo wakalenga charu kufumira ku vinthu ivyo vikuwoneka yayi." Wonani, Iyo—Iyo wakalenga charu mwa Mazgu Ghake. Chiuta wakayowoya chirichose ndipo chikawa wako.

⁵¹ Ndipo pakuwaga Chiuta, Mlengi, kuyowoyanga vinthu vyose ndipo vika wako, ichi chikayenera kuti chikawa charu chiweme. Agha ghakawa a—malo ghakutowa. Uyu waka wa a—paradiso pano pa charu chapasi.

⁵² Sono, umo, malo ghalighose ghakwenera kuwa na hedikota kumalo kunyake. Ungano ukuru uwu uli na hedikota, ndipo chiga wa ichi chiri na hedikota, ndipo mpingo uli na hedikota. Ndipo Chiuta wali na hedikota. Ndipo ntheura malo ghakuru agha, charu icho ise tikukhalamo, ichi chiri na hedikota. Ndipo ntheura Eden mukuru uyu waka wa na hedikota, ndipo hedikota wake wakakhazikika mu munda wa Eden, panji mu Eden, kuvuma kwa munda.

⁵³ Ndipo Chiuta wakawika pa uwu, kuti walamulire chakulengeka Chake chose pano pa charu chapasi, mwana Wake mwanarumi na muwoli wa mwana Wake, Adam na Eva.

⁵⁴ Chiuta waka wa Wiske wa Adam. "Adam waka wa a... mwana wa Chiuta," kwakulingana na Malemba. Iyo waka wa mwana wa Chiuta.

⁵⁵ Ndipo Chiuta wakamupangira iyo movwiri, kufuma ku thupi lake yekha; panyake mbambo kufuma pa mtima wake, ntheura iyo wangamanya kuwa kufupi kwa iyo, ndipo wakamupangira iyo movwiri. Uyu nadi ntha waka muwoli wake viwi kufika nyengo yira, viwi yayi kuruska umo iyo waka wira wandawe mwanarumi; Iyo wakayowoya waka ichi. Ndipo apo ndipo suzgo likwiza, Satana wakamusanga iyo pambere Adam waka wa wandamusange. Ntheura, ghaka wa waka Mazgu Ghake agho Iyo wakayowoya.

⁵⁶ Ine nkuyowoya kuti, ine nkukhumba yayi kuti nditore nyengo yitali chomene pa ichi. Kweni wanyake wa imwe panyake mungatimbanizgika pachoko, chomenechomene wantru wanyake kumtunda mu—uko Kumwera, mukuwoneka kuti mukusanga ichi chakutimbanizga pachoko, pa Uthenga uwo ine ndiri nawo kufuma kwa Chiuta muhanyauno, kuruta

ku ḫanthu, wa mbewu ya serepente. Ndipo ine ndirutenge kunyumba, para Fumu yazomerezga, limoza la mazuwa agha, ku Jeffersonville. Ine nkukhumbwa pafupifupi uthenga wa maora sikisi, na kuchirongosora chose icho, wonani, nttheura ichi chiwîkenge waka uwu mu kawonekero ako imwe mumanyenge icho ise tikuyowoya. Ndipo ichi ndi WAKUTI YEHOVA. Ichi ntchaunenesko waka umo kukawira para Ichi chikawona Mlongosi withu Florence pambere iyo wakawa wandarute, virimika vinandi. Wonani, Uwu ndi Unenesko. Ndipo sono, ise... panyake ichi chikupulikiskika yayi.

⁵⁷ Usange munyake wangiza kwa ine, chinyake chakususka, ine panyake nichipulikiskenge yayi ichi, ndamwene. Ine nikhubenge yayi kususka icho munyake wakuyowoya. Ise ntha tikwenera kususkananga yumoza na munyake. Ine ndirije mlandu wa kuchita icho; Ine nkhuwonga Fumu. Ine ndiri kususka kwananga na kuwura kugomezga; kweni ntha munthu payekhapayekha, wonani, ine—ine nkuchita yayi. Ise ndise—ise ndise ḫabale na ḫalongosi, kuyezeskanga, ise tikukhilira uko Mlongosi Florence wakafika mayiro mlenji, wonani. Iyo... Ise—ise tose tikwenera kuti tiyendere nthowa yira. Ndipo ndi chirato chane yayi kuti—kuti ndiyegze kumususka m'bale panji mlongosi uyo wangazomerezgana nawe yayi. Yayi, chikhale kutali na ine kuchita icho! Ine ntha nkughanaghana kuti imwe muzamkuyisanga tepi iyo ine nkazunuramo zina la munyake. Cheneicho, ine ndiri kuwona kuti nyengo zinandi munthu wakananga, kweni icho chiri pakatikati pa iwo na Chiuta. Kweni icho ndi kwananga, mu nthowa ya kwananga na... Ndipo kuleka kupulikiskana nyengo zinyake ntha nanga ndi kwananga, ndi kuleka waka kupulikiskana kwa ḫanthu. Ndipo ine—ine nkughanaghana kuti waloyose wa ise tiri na ufulu kujirongosora taŵene ku kapulikiskiro kithu.

⁵⁸ Sono Mlengi mukuru uyu wakakhazikiska mwana Wake wakulengeka. Sono, Adam wakawa mwana Wake wakudankha wakulengeka. Yesu wakawa Mwana Wake *wakbabika*, wonani, Iyo wakababika na mwanakazi. Kweni Adam wakafuma nkhanira ku woko la Chiuta, mu chakulengeka.

⁵⁹ Sono hedikota, na Wake—mwana Wake mwanarumi na mkwatibwi wa mwana Wake, ichi chikawoneka makora chomene. Kula kukaŵa a—mwanarumi, mutu wa chose ichi, mwana Wake Yekha na mkwatibwi wake.

⁶⁰ Ndipo mbewu yiriyose yikaŵa makora waka, mikama, na ma oak, na utheka, na tuyuni, na vinyama. Ndipo chirichose chikaŵa mu dongosolo liweme na Languro la Chiuta, “Kusintha yayi kaŵiro kinu. Yibabe kwakuyana na mtundu wake, mbewu yiriyose! Oak, ungatimbanizgikanga yayi kuŵa khuni lapapaya.” Mukuwona? “Mkama, iwe ungatimbanizgikanga yayi kuŵa chinthu chinyakeso. Kweni mbewu yiriyose kwakulingana

na mtundu wake!” Ndipo Iyo wakâwa—Iyo wakachilawiska ichi kujumpha mu zinyengo.

⁶¹ Ndipo Iyo wakayowoya Mazgu. Ndipo Nkhongono Yake yikuru ya kulenga yikapanga vinthu ivi ivyo vikawoneka, ndipo nanga ndi mwanarumi na mwanakazi. Ndipo iwo wâkâwa mutu chifukwa iwo wâkâwa a...iwo wâkâwa wâpachanya ku mitundu yinyake yose. Ndipo Iyo wakâwâwikaso iwo pasi pa kupwerereka na chinthu chenechira icho Iyo wakâwika pa makuni, vinyama, na vinyake ntheura: Mazgu Ghake. Iwo nthâ wângayezganga, munthowa yiriyose, kuphwanya Lizgu lira. Iwo wâkwenera kukhala Kwenekula. “Mungafumiskangako kalikose yayi ku Ichi, panji kusazgako chirichose ku Ichi! Imwe mukwenera kukhalira umoyo mwa Mazgu agha.”

⁶² Ndipo malinga chakulengeka chira chikakhallenge ngati ntheura, Mlongosi Shakarian nthena wanguyenera kuti warute yayi mlenji uwu, malinga ichi chikakhallenge ngati ntheura, chuma chikuru cha Chiuta! Ndi icho ise tikugomezga kuti ise tarunjika kuwerera. Ise tikuwerera ku malo ghara, malo ghara.

⁶³ Uko mlenji wa nambala seveni ula, para Chiuta wakati walaâwiska pa chose ichi, ndipo Iyo wakati, “Ichi ntchiweme. Ine—ine ndine wakukondwa na ichi. Enya, Ine—Ine—Ine nakondwa kuti Ine nachita ichi. Ndipo chose sono chiri pasi pa ulamuliro. Ndipo ine nawika chigomezgo mu mwana Wane mwanarumi na mu muwoli wake, kuti—kuti iwo wâti (kuwapanga iwo mutu wa chose ichi), kuti iwo wâwanererenge chose ichi na kuwoneseska kuti ichi chiri makora, kuti chirichose chibabenge vya mtundu wake. Sono iyo wali na nkhongono kuchita icho.” Chiuta pamanyuma wakati, “Enya, usange chose ntchiweme ntheura, ndipo chingâwa chinthu chinyakeso yayi, chifukwa ndi kukhumba kwa Ndamwene Ndekha. Ndi umo Ine nkhukhumbira ichi. Ndipo Ine ndayowoya ichi mwantheura umo, ndipo Mazgu Ghane ghababa ichi ndendende umo Ine nakhumbiranga ichi. Ndipo icho chiri apo. Ichi chose ntchiweme!” Ntheura Baibolo likati, “Chiuta wakapumula dazi la nambala seveni, ku mu milimo Yake yose.”

⁶⁴ Ndipo chirichose pasi pa ulamuliro, kuti chibabe vya mtundu wake. Sono kumbukirani, “kuti chibabe.” Para Iyo wakati waâwika mbewu mu dongo, mbewu yingamanya kumera na nkhongono ya umoyo mkatî mu iyi, kuti uyisinthe iyi kufuma ku mbewu kufika ku chakumera, panji chirichose icho chikâwako. Nkhongono Yake yakusintha! Sono, Chiuta wakaâwika mbewu mwenemula, na nkhongono kuti iyi yiâwenge icho Iyo wakayowoya kuti yizamkuâwa. Ndipo malinga iyi yikakhala mu kaâwiyo kakwenerera, iyi yiâwenge waka ndendende icho Chiuta wakayowoya kuti yizamkuâwa. Iyi yikayenera kuâwa ntheura, chifukwa Iyo wakayipanga iyi mwantheura umo, ndipo wakapanga nthowa. Kutî, chirichose icho chikukhala mu nthowa Yake, mu mzere Wake wa Mazgu,

ichi chikwenera kuti chibabe ndendende ngati ndiumo Mazgu Ghake ghakayowoyeru kuti ndimo ichi chizamkuwira. Ichi chingafumako yayi kula. Ichi chikwenda munthowa makora waka. Ntheura, na chirichose mu chigomezgo mu mwana Wake Yekha, kuti ichi chizamkuwa ntheura umo, ntheura Chiuta wakati, "Ichi chose ntchiweme, ntheura Ine ndipumurenge waka. Ndipo yiriyose ya mbewu izi yiri na nkhongono mwa iyoyekha, kuti yijisinthe iyoyekha kunjira mu mtundu uwo Ine nkhukhumba kuti iyi yiwenge. Icho ndicho iyi yikwenera kuwa, chifukwa Ine ndayipasa mbewu yiriyose nkhongono ya kusintha, kuti yijipange kufuma ku iyoyene, mu nkhongono zake sono kuti yipange kufuma mwa iyoyekha icho Ine nkhukhumba kuti iyi yiwenge."

⁶⁵ Chiuta wali kusinthapo yayi. Mweneyura waka muhanyauno umo Iyo wakawira kale! Chiuta wasimikizga kuchita chinyake. Iyo wachitenge ichi. Palije icho chimulekeskenge Iyo. Iyo wachitenge ichi!

⁶⁶ Sono pamanyuma pakuti chose ichi ntchiweme waka ndipo chiri mu dongsolo, Chiuta wakasimikizga sono kuti ichi chose chiwenge makora, ndipo ntheura, para Iyo wakati wachita, pamanyuma wakiza murwani. Ine ndichitenge... Chiuta wakapereka nkhongono ya kusintha. Ndipo ine ndimuchemenge munthu uyu, na nkhongono ntha kuti—kuti walengeso, kweni ine ndine... Iyo wakawa na nkhongono yakupunduzga, ntha kusintha; kweni kupunduzga. Sono, chirichose chakupunduzgika chikutoreka kufuma ku kaŵiro kake kapakudankha, pali chinyake icho chanangika na ichi.

⁶⁷ Virimika vinyake kumanyuma, pa ulonda, nkhayendanga mu minda ya vingoma, ine nkhamanyanga kughanaghana za, pakaŵa munthavi uwo ukaphajuka ku khuni, ndipo ukawa pa phakesi la chingoma. Ndipo phakesi likayezganga kuchita kwake kose kuti liyimilire mwakunyoroka umo ili likayenera kuwira, kweni ili likapunduzgika chifukwa chakuti chinyake chikachitika. Ndipo munthavi ukaŵa chigonere pa ili.

⁶⁸ Ntheura ise tikusanga mtaŵa unyake wa muthengere mu munda. Cheneicho, wânarumi wânandi âwa imwe muno, ndipo panyake mwâwanakazi wanyake imwe... usange imwe mukufuma mu Kentucky. Wanakazi wakugwiriska ntchito jembe kula chimozi ngati mwanarumi, wakuruta ku munda na a—na jembe, ise tikuchema jembe la chaka changati singo la baka, na kudumura a—mitataŵa. Pakuti, usange imwe mukafumiskamo yayi mitataŵa yira, umo vingoma vikaŵa mu mzere, ngati *ntheura*, ntheura mtaŵa ula wathazenge, wataŵenge chingoma chira, na kujikurunga iyomwene pachokopachoko, mwakuphweka chomene, mwa uchenjezi chomene, kuti imwe mungaphara yayi kuti uyu wakataŵanga. Ndipo paumaliro uyu wakuchita mwankhongono na mwankhongono, ndipo uyu wakuguza chingoma chira mpaka

ichi chikupunduzgika. Wakuchiguzira ichi kwa iyomwene, wakuchikurunga ichi ku mpheska yake; kuchipunduzga ichi kufuma ku icho ichi chikawá, kufika ku chinyakeso. Kweni ichi ndi chingoma, kweni chingoma chakupunduzgika.

⁶⁹ Ndipo tose tichali mu chikozgo cha Chiuta. Kweni wānji mbakupunduzgika chomene, ngati wāna wā Chiuta, awo wākwenda mwakususkana na Mazgu Ghake na nthowa iyo—Iyo wakanozgera ise ndipo wakatipasa ise kuti tiyendengemo. Kukhazikiska chinthu chinyake, charu chikutinyongolora ise kufumako ku nthowa yira, chikutiguzira ise kufupi ku ichi, na kutali kufuma ku wakunyoroka ula, mzere wakunyoroka uwo Iyo wakatipandamo ise, kuti tiwē wāna wānarumi na wāna wānakazi wā Chiuta. Kwananga kuli kuchita chinthu chiheni ichi ku wāna wānarumi na wāna wānakazi wā Chiuta.

⁷⁰ Mupunduzgi! Ine nkhumanya ichi chikuwoneka kuwā chachilendo kuyowoya za ichi munthowa iyi, “kuti-kupunduzga,” kweni icho ndicho iyo wakawā; iyo wakapunduzga, panji wakatimbanizga. *Kutimbanizga* chikung'anamura “kusinthika, kupanga chinyake chakulekana.” Ndipo *kupunduzga* ndi chimozimozi, kuti ichi chatoreka ndipo chapunduzgika, ndipo “chapangika munthowa yinyake.” Kweni ndi mbewu ndithu yeneyira, kweni iyi yakupunduzgika.

⁷¹ Sono ise tikusanga kuti mupunduzgi uyu wakawāso na nyengo yakuyana waka, kuti wapunduzge, umo Chiuta wakawāira nayo kuti wasinthe. Sono iyo wakapanda mbewu yake, panji, ntha wakapanda mbewu yake, iyo...mu munda wa Eden. Kufumira nyengo yira, iyo wali kuwā na virimika sikisi sauzandi vyā kupunduzganga Mbewu ya Chiuta, Mazgu gha Chiuta; kuti waghapunduge Agha, kughapanga Igho chinyake chakulekana; para iyo...nyengo yakudankha para Eva wakategherezga kwa iyo, ndipo wakajitorera iyomwene lizgu lichoko.

⁷² Kumbukirani, chakudankha Satana wakawerezgapo Lemba lira mwakupulikikwa waka makora umo ichi chikamanya kuwira, “Chiuta wayowoya kuti, ‘Imwe ntha mungaryanga vyā khuni lirilose mu munda wa Eden?’” Mukuwona? “Imwe ntha muryenge vyā khuni lirilose?”

⁷³ Ndipo kumbukirani sono, Eva wakati, “Enya, ise tingamanya kurya vyā khuni lirilose; kweni khuni ilo liri pakatikati pa munda, ise tingalikhwaskanga yayi ili.” Sono muwonani iyo, mu uthenga wake, wakanyongolora Mazgu ghara pachoko waka. Mu kuyowoya...Eva wakati, “Pakuti Chiuta wakayowoya, kuti, usange ise tichitenge ichi, dazi lira ise ‘tifwenge.’”

⁷⁴ Iyo wakati, “O, nadi imwe mufwenge yayi.” Wonani, iyo wakawā a—munthu, iyo wakati, “Iwe—iwe—iwe chita ichi sono. Ndipo, imwe—imwe ndimwe—imwe ndimwe wānthu wāburutu.

Imwe, nadi, imwe ntha mukumanya vinthu vyose. Kweni usange imwe mungaryako waka ichi, nttheura imwe muŵenge na vinjeru, imwe mbwenu muŵenge na mahara. Imwe mumanyenye uweme na uheni ndipo muŵenge ngati wâchiuta, imwe, usange imwe mungapokako waka vinjeru ivi ivyo ine ndiri navyo. Ine nkhumanya, kweni imwe mukumanya yayi.”

⁷⁵ Cheneicho, ndi uweme kuŵa na vinjeru. Kweni usange vinjeru ndi vyakususkana, usange vinjeru ntha ndi vinjeru vyakwenerera kufuma kwa Chiuta, vinjeru Vyauzimu, ndipo vikuzgoka vinjeru vyakuthupi, ine nkupwerera yayi kwali ise tiri na sayansi yikuru uli, na vinyake vinandi, panji masambiro, ivi ndi nya devulu. Ine ndisimikizgirenge ichi kwa imwe, para Fumu yazomerezga, mu maminiti ghachoko. Ichi ntcha devulu.

⁷⁶ Chitukuko ntcha devulu. Ine ndamalizga waka kupharazganga pa icho. Umanyi wose mu charu chapasi, mazaza ghose gha sayansi, na chirichose, ndi nya devulu. Ndi ivangeli lake iyo wakapharazga, la umanyi, mu munda wa Eden. Ndipo iyo wali kutora umanyi ula, umanyi wakutimbanizgika, wakususkana na Mazgu na khumbo na pulani ya Chiuta. Ndipo sono iyo wakâwa na virimika sikisi sauzañdi kuti wachite waka ndendende icho Chiuta wakachita, kweni mu nthowa yautimbanizgi, ndipo wakatora nyengo yakuyana kuti wapange Eden wake yekha. Sono iyo wali na Eden pano pa charu chapasi, ndipo uyu ngwakuzura na vinjeru, umanyi. Lira likâwa ivangeli lake pa chiyambi, umanyi, vinjeru, sayansi. Chiuta ntha wakazomerezga vyantheura. Ndipo ine—ine nkukhumba kuti imwe muwone miniti pera. Iyo wakachita ichi, ndipo pakuti iyo wakâwa munthu wa vinjeru nya charu.

⁷⁷ Sono, ntchinonono kuyowoya ichi. Ichi ndi—ichi ntchinonono chomene, chifukwa kuyowoyanga ku wânthu awo wâkupulika chimozi ngati ndiumo ine nkuchitira, na umo ine ndiri kuŵira pa virimika vinandi. Kweni kufumira pa kujurika kwa Vididimizgo Seveni vira, nya Wângelo wâra kuseri waka kwa phiri kula, *Ili liri kuzgoka Buku liphya*. Ndi vinthu ivyo vyakhala vikubisika, vikuvumbukwa umo Chiuta wakalayizgira mu Chivumbuzi 10, Iyo wazamuchita ichi. Ndipo ise ndise wânthu wâmwaŵi awo Chiuta wali kusankha, wâ charu chapasi, mwakuti ise tingamanya kuwona na kupulikiska vinthu ivi; cheneicho ntha ndi chidokoni chinyake, malingaliro ghafureshi gha munthu kuyezganga kupanga ichi. Ndi Mazgu gha Chiuta ghakuwonekera, ghakusimikizgika, kuti UWU mbunenesko. Ghakusimikizgika, ntha mwa sayansi, kweni mwa Chiuta, kuti UWU mbunenesko. Chiuta, umo nkhayowoyerá kale mu uthenga, Chiuta ntha wakusôweka munyake kuti watanthauzire Mazgu Ghake. Iyo ndi wakujitanthauzira Iyomwene. Iyo wakuti ichi chichitikenge, ndipo ichi chikuchitika. Ndiko kuti, Iyo—Iyo wakukhozgera ichi, icho chikutanthauzira ichi.

⁷⁸ Virimika vichoko vyajumpha, ise wānthu wā pentekosite, para a—mipingo yinyake yikatiphalira ise kuti ise tikaŵa “wakuzerezeka,” ise “tikachita yayi, Mzimu Mutuwā ukawā chinthu chakale.” Kweni ise tikusanga kuti phangano la Chiuta likawā lakuti kwa waliyose uyo wakukhumba, ndipo sono ise tikumanya mwakulekana. Wonani, ndipo icho ndi pachoko na pachoko, chinthu ichi chajurika.

⁷⁹ Ndipo sono Iyo wakalayizga kuti vyamchindindi ivyo vikabisika mu yira, miwiyo yose ya mpingo, vizamkuvumbukwa nkhanira pa nyengo yaumaliro. Ndipo Iyo wakutizomerezga ise kumanya sono. Ise tiri ku nyengo yaumaliro. Ise tiri pano sono.

⁸⁰ Sono, Satana ndi chata wa chitukuko. Iyo ndi chata wa sayansi. Iyo ndi chata wa masambiro.

Imwe mukuti, “Kasi uwo mbunenesko?”

⁸¹ Viri makora, tiyeni tiwazge mu Mazgu gha Chiuta sono, Genesis 4, ndipo tiyeni tirute kumanyuma ndipo tiwonepo waka miniti pera. Ine nkhumanya panyake ine... usange ine nitalikiskenge chomene, M'bale Carl panyake wandiphalirengé ine. Kweni, Genesis, chipatulo 4, ndipo vesi 16, likurutirira kutiphaliranga apa, mu mtendeko, icho Chiuta wakachita, mwakuti waŵike nthembo pa mwanarumi na mwanakazi, na vyose ivyo iwo wākati wāchitenge; ndipo ntha nthembo pa iwo, kweni kuwaphalira iwo icho chichitikenge, na kutemba dongo chifukwa cha Adam. Ndipo ise tikusanga apa sono, kuti Eva wakawā na maphaska. Ndipo yumoza wa iwo wakawā wa Satana, ndipo yumoza wa iwo wakawā wa Chiuta.

Sono imwe mukuti, “Uh-oh! Yayi. Sono, M'bale Branham!”

⁸² Miniti pera. Imwe mundisangire ine Lemba limoza, kulikose, ilo likuyowoya kuti Kayini wakaŵa mwana wa Adam. Ine ndimuwoneneskeninge imwe mu Malemba uko Ili likuti, “Kayini wakaŵa wa muheni yura,” ntha wa Adam.

⁸³ Sono wonani para iyo wakati watora nthumbo apa. Ise tiyambire pa chipatulo 4, chakudankha.

Ndipo Adam wakamumanya... muwoli wake; ndipo iyo wakatora nthumbo, ndipo wakababa Kayini, ndipo wakati, ine ndasanga... iyo wakayowoya sono, ine ndapokera mwana kufuma kwa YEHOVA.

⁸⁴ Nkhumanya, ichi chikayenera kuŵa ntēura. Palije kanthu usange uyu wakaŵa muzaghali panji chirichose, uyu wakayenera kwiza kufuma kwa Chiuta, wonani, chifukwa iyo ndi mbewu Yake, ndi dango la mbewu Yake, iyi yikayenera kubaba kwali iyi ndi mbewu yakuvunda, mbewu yakutimbanizgika, panji yirichose iyo yiriko. Iyi yikwenera kuti yibabe, munthowa yiriyose. Ndi kulangura Kwake.

Ndipo iyo wakababaso munung'una wake Abel.

⁸⁵ Pakawavye munyake wakamumanya iyo. Adam wakamumanya muwoli wake, ndipo iyo wakababa Kayini ndipo wakababaso Abel, maphaska. Satana wakagona na iyo mlenji ula, Adam kumuhyanya kula.

⁸⁶ Imwe mukuwona mukangano ukuru mu nyuzi kuno, ine nkhugomezga, mu Tucson sono, za mwanakazi yura kubaba mwana mufipa na mwana mzungu, pa nyengo yimoza. Iyo wakagona na mfumu wake mlenji ula, na mwanarumi kumuhyanya kula. Ndipo mwanarumi wakati wapwererenge... mwanarumi mzungu wakati iyo wapwererenge mwana wake pera, kweni mwanarumi mufipa wakayenera kuti wapwererere wake yekha. Mukuwona? Ine nkhumanya kuti, mu kukwatiska ntchewe na vinyake ntheura, ichi nadi chichitikenge, usange ichi chachitika mwa kutilikirana maora ghachoko. Ichi chikusimikizgira ichi.

⁸⁷ Sono kuti ndimuuneskeni uko chitukuko chikafumira, sono tiyeni tiwazge Genesis kudera uku, mu chipatulo 4 cha Genesis kamozaso, ndipo tiwone uko chikafumira. Vesi 16.

Ndipo Kayini wakafumapo pamaso pa Chiuta, ndipo wakakhala mu charu cha Nod, ku chigawa cha kuvuma cha Eden.

Ndipo Kayini wakamumanya muwoli wake; ndipo iyo wakatora nthumbo, ndipo wakababa Enok: ndipo iyo wakazenga msumba, ndipo wakachema zina la msumba, pamanyuma pa...mwana wake, Enoki.

⁸⁸ Chitukuko chikayambika. Dokotala Scofield, umu mu Baibolo lane la Scofield, ili likuti, "Chitukuko chakudankha." Wonani, ntheura iyo wakababa wana, ndipo iwo wakapanga viding'indi na sumu. Yumoza wakurondezgako wakababa wana, ndipo iyo wakayamba kuchita vinthu vinyake, vyakuziziswa, wakazenga misumba, ndipo—ndipo wapanga vyakwimbira vya mkuwa, na mitundu yose ya vinthu. Wonani, chira ndicho iyo wakachita, wakazgoka chitukuko chakudankha, cheneicho chikawa cha wa Kayini. Iyo wachita chinthu chenechira mu miwiyo yose.

⁸⁹ Sono tiyeni tifike kula na vesi 25, ndipo tiwone icho wakurondezgako wakaŵa.

Ndipo Adam wakamumanyaso muwoli wake, sono, ndipo iyo wakababa mwana mwanarumi, ndipo wakamuchema zina lake Seti: Pakuti Chiuta, wakayowoya iyo, wandimikira ine mbewu yinyake m'malo mwa Abel uyo Kayini wakakoma.

Ndipo Seti...Ndipo kwa Seti, kwa iyo nakoso kukababika mwana; ndipo iyo wakamuthya zina lake Enos: ndipo pamanyuma wantru wakayamba kuchema pa zina la YEHOVA (kufuma ku chigawa cha Seti, ntha chigawa cha Kayini).

⁹⁰ Wonani, zero zikuru zira za m'mutu izo ise tose tikukoreska chomene! Kasi chikomunizimu ndi vichi muhanyauno, kasi chiuta wawo ndinjani? Ndi zero za m'mutu, sayansi. Kasi ise tikuchita vichi, munthowa yiriyose? Kasi ise tikukhala nkhu? Lingalirani mazgu agha muhanyauno.

⁹¹ Sono iyo wali na mtundu wake wa Eden, Satana wali nayo sono. Mu virimika ivi sikisi sauzandi, iyo wali kupanga (ntha kulenga), kweni, kupunduzga charu chose cha Chiuta, Vilengiwa vyake, vinyama, kukwatiskanga mitundu yakulekana, kuchitanga hayiburidi; makuni, vyakumera, wantru; nanga ndi chisopo, Baibolo, mpingo; mpaka iyo wajipangira iyomwene munda wakukwanira wa Eden, wa sayansi, chirichose chikwenda mwa sayansi. Magalimoto ghithu, chirichose ise tiri nacho, chikapika kwa ise munthowa ya sayansi, icho munthu wali kuchita. Ndipo iyo wali na Eden wake mukuru kuno; kusimikizgira kuti Uthenga wafika pa nyengo yake, kusimikizgira kuti ntha ndi muwiro unyake kweni Chivumbuzi 10! Laŵiskani pa hayiburidi wa muhanyauno, kuti âwapange yiwenmiko, panji, yakuwoneka makora, ntha yiwenmiko. Wonani wâna wachokowâchoko muhanyauno.

⁹² Ine nkharuta na mwana wane mwanakazi kwa dokotala wa mino, mayiro, ndipo iyo wakati mino ghake ghakapangandiranga. M'bale kusika ku Tucson, M'bale Norman, wakâwa na mwana wake muchoko mwanakazi, ndipo mino ghake ghakagumukanga. Ndipo dokotala wa mino wakuyowoya kuti mwasonosono, iyo wakugomezga, kuti panyake mu nyengo za kunthazi, kuti wantru âwazamkubabika, mino kumeranga munthowa yiriyose. Ndi chakurya icho ise tikurya, chakurya cha hayiburidi.

⁹³ Kasi imwe mukaŵazga *Reader's Digest*, ya mwezi wamara, za Billy Graham, muneni wakuchindikika? Kasi imwe mwakhala mukutegherezga kwa iyo? Ine nkhumurombera chomene iyo sono kuruska kale. Para iyo wakayowoya ku wâra âwakung'anamura makolara, na âwanyake ntheura, usiku unyake, kukhazika ichi pa wâliska wâra. Chinyake chachitika kwa iyo. Limoza la mazuâa agha, ine nkugomezga iyo waghawonenge malo ghake apo iyo wali, wonani, sono wakuchema kufuma ku Sodom, msumba ula wakutimbanizgika. Ndipo sono wonani ichi mu *Reader's Digest*, Billy wakafika pa kufoka chomene kuti iyo wakatondeka nanga nkupanga maungano ghake. Ndipo iwo wâkamuphalira iyo kuti iyo wakayenera kuti wachimbirenge, kuchita maseŵero, na vinyake ntheura. Ntheura iyo wakuchimbira wanu sauzandi sikisi handiredi mitazi dazi lirilose, panji chinyake, kuti wachite maseŵero.

⁹⁴ Munthu ngwakuvunda. Mtundu wose wa wantru ngwakuvunda. Chirichose chiri ngati ndiumo chikâwira mu nyengo pambere chigumura chindachitike. Ichi ntchakutimbanizgika mwakufikapo, chakugadabuka,

chakulekana na mzere wakunyoroka uwo Chiuta wakavipandamo ivi. Kwananga, kwizira mu sayansi na chinyengo, kwaitimbanizga mtundu wose wa wantru.

⁹⁵ Kasi imwe mukaŵazga musi waka mwa nkhani yira, uko iy i yikati, "Mu mazuŵa agha, kuti ūasungwana ūachokowachoko na ūanyamata ūali mu msinkhu wawo wa pakatikati, kwakulingana na kawonekero ka kukhupi, pakatikati pa virimika twente na twente-fayivi vyakubabika"? Ghanaghanani za ichi.

⁹⁶ Mu kusanda malingaliro usiku unyake, ine nkhachema msungwana wa virimika twente-thu vyakubabika, mu kureka mapiriyodi, nkhamuchema iyo. Ndipo icho ndicho dokotala wake wakamuphalira iyo.

⁹⁷ Wonani, ndi wakuwa, wakuvunda, mtundu wa wantru wakurazga ku chivundi. Ine nkhumanya icho ntha chikuwoneka chaumuntru, kweni ichi ndi Baibolo, wonani, uwo mbunenesko; ndipo mtundu uwu wa wantru uwo ise tikukhalamo, muwiro uwu wa wantru.

⁹⁸ Sono wonani muhanyauno, kuchitanga hayiburidi ng'ombe, kuchitanga hayiburidi vyakumera; ndipo sayansi yikwiza nkhanira kumanyuma, sayansi yeneyira iyo yikuchita ichi, yikuti, "Icho ndicho chikuparanya mtundu wose wa wantru." Imwe mukuŵazga ichi chimozimozi umo ine nkhuchitira. Enya, ūakutondekerachi iwo kulekeska ichi? Ndi chifukwa chakuti iwo ūangalekeska yayi ichi. Mazgu gha Chiuta ghali kuyowoya kuti ichi chizamkuwa ntheura. Kwensi usange iwo ūangaghanaghana miniti pera, iwo ndi vitewetero, ngati Yudas Iskariote, kuchitanga chinthu ndendende icho Chiuta wakati chizamuchitika. Ichi chikuchita waka ichi ndendende pa lufura lawo la sayansi.

⁹⁹ Mwa kafukufuku wake kwizira mu sayansi, mu kachitiro kenekala iyo wakapusikira Eva, iyo wapusikaso mpingo, cheneicho kula Eva wakawa chilinganizgo. Sono, sono Adam chilinganizgo kula kamozaso, panji Eva, mphanyiko, cha mpingo, wonani icho uwu ukachita. Kwizira mu kukhumba umanyi, iyo wakujumpha mzere pakatikati pa uweme na uheni, pa kuchita kutegherezga ku utimbanizgi wa Satana, panji kupunduzgika, kwa Mazgu ghapakudankha gha Chiuta.

¹⁰⁰ Ndipo sono mpingo muhanyauno yazgoka yakupunduka. Sono ine nkuyowoya za wantru yayi, wantru payekhapayekha. Ine nkuyowoya za mpingo charu. Umoza wanyongolokera lwandi limoza, ndipo umoza wanyongolokera linyake, ndipo, mwa sayansi. Pulani yeneyira iyo wakachita. Iyo wali kurutirizga kutenthemiska kwake, Satana wachita, la Yesaya 14:12.

¹⁰¹ Tiyeni tiwazge waka icho pa miniti pera. Mu Buku la Yesaya, tiyeni tiyambire chipatulo 14, vesi 12.

*Umo iwe wasoromokera kufuma kuchanya, O Lucifer,
mwana wa mlenji! umo iwe waponyekera ku charu
chapasi, wamweneiwe ukafokeska mitundu!*

Uyu ndi Yesaya kumuwonanga iyo mu mboniwoni, wonani, mu muwiro uwo ukwiza.

Pakuti iwe wayowoya mu mtima wako, ine ndikwerere kuchanya, ine ndikwezge chizumbe chane pachanya pa nyenyezi za Chiuta: Ine naneso ndikhalenge pa phiri la mpingo, . . . mumphepete ku kumpoto:

¹⁰² Chirato cha Satana, kufuma ku Eden, chikawá chakuti wajipangire iyomwene Eden wake; na kujikwezga iyomwene pachanya, mwakuti nyenyezi za Chiuta zingamanya kumusopa iyo, wana wāngamanya kumusopa iyo. Ndipo iyo mwakufikapo wali kuchita ichi sono, ndipo para iyo wachita ichi ndipo wakachitorera ichi mu mpingo. Cheneicho, ine ntha ndirutenge mu kurongosora. Waliyose wa imwe wakutegherezga ku matepi agha wakumanya za ichi. Ilo—ilo ndendende ndi ora ilo ise tikukhalamo, ndipo ndi Satana uyo wachita ichi mu ndondomeko ya masambiro, yakukhazikika makora, yiwenmiko *iyi*, yiwenmiko *iyo*. Ndipo kwambura kumanya, nyengo zose, iwo wākwenda nkhanira kunjira mu nyifwa. Wakuburumutizgika, kurongozganga wāchiburumutira, warongozgi wāchiburumutira wa mitundu, warongozgi wākuburumutizgika na sayansi, warongozgi wāchibulumutira wa mpingo, wāchibulumutira kurongozganga wāchiburumutira. Yesu wakati, “Walekani waka iwo, wose wati wawenge mu chibuwu.”

¹⁰³ Apa wonani mtundu wa wā Eden wāwiri wākukozgana chomene pamoza, mpaka pafupifupi kupuruska Wakusoreka weniweni. Mateyu 24:24 wakayowoya kuti ichi chizamkuwā mwantheura umo. Kweni ine nkhukhumba kuti tilekezge pa nyengo zichoko waka na kulingalira wā Eden wāwiri aŵa, ndipo chinthu chimoza chomenechomene, umo Baibolo likutiphalirira ise kuti Mazgu gha Chiuta ghakalenga Eden yura, na umo Mazgu gha Chiuta ghakutichenjezgera ise kuti Eden munyake wazamkwiza.

¹⁰⁴ Sono, ise tikumanyaso kuti kukwenera kuti kuŵe Eden munyake, usange ise tingapulikaso kwa muprofeti, Paulos, mu 2 Watesalonika chipatulo 2. Ine ningamanya kuŵazga Ichi usange imwe mukukhumba kuchita.

Iyo mweneuyo wakujikwezga iyomwene; dazi lira ntha lizamkwiza, la Fumu, mpaka munthu yura wa kwananga wavumbukwe, . . .

. . . iyo mweneuyo wakukhala mu tempile la Chiuta, kujikwezganga iyomwene pachanya pa chose icho

chikuchemeka Chiuta, mwakuti iyo ngati Chiuta wasopekenge ngati Chiuta.

¹⁰⁵ Ghanaghanani za icho! Sono Yesaya 14, muprofeti wakayowoya kuti iyo wakawona “Lucifer, mu mtima wake,” kwizira mu mboniwoni pasi pa ukhuwirizgi wa Chiuta, “kuyowoyanga kuti iyo wazamuchita icho.” Mu Yesaya, virimika eyiti handiredi pambere Paulos wandaweko, panji pafupifupi ivyo.

¹⁰⁶ Sono apa, pakati pajumpha virimika eyiti handiredi, Paulos wakumuwona iyo, wakwiza ku malo ghake. Wonani, uyu wakukwera muchanya, Eden wake; Eden wake wa sayansi, na charu chake cha sayansi, na mpingo-mkwatibwi wa sayansi, vyose pasi pa a—mazgu gha “umanyi,” maseminare ghakuru, madigirii ghakuru, ndondomeko za masambiro.

¹⁰⁷ Tegherezgani, m’bale, mlongosi, waliyose wa ise wayendenge nthowa yira iyo Florence wakayenda. Ine nkhumufumbani imwe, mu Zina la Yesu, kuti mulingalirepo Ichi. Ntha kulingalira ine. Ine ndine m’bale winu. Icho—icho ndicho yayi. Lingalirani Mazgu agho ine nkhuyowoya, gha Baibolo la Chiuta. Ndipo lawiskanimo, kukhozgeka makoraghene mu Mazgu gha Chiuta, mu muwiwo uwo ise tikukhalamo, umo ise tiri.

¹⁰⁸ Ndondomeko izi mwakufikapo ndi chikanakhristu, mwa izozene. Sono, iyo wakwenera kuti wa   na Eden, iyo wakati iyo wazamuchita ichi. Apa pali Mazgu ghapusu gha Chiuta ghakuti iyo wazamuchita ichi, ndipo apa ise tikula  iska nkhanira ndipo tikuwona iyo wakuchita ichi. Iyo wachita ichi na zero zake za m’mutu, za sayansi, mkwatibwi wa bungwe. Iyo wazamkutora ulamuliro, limoza la mazu  a agha, mu Mphara ya Mipingo ya Charu iyo yizamkukhazikiskika. Wose   azamku  wa na iyo.

¹⁰⁹ Kuwayezganga   anthu, ntha chifukwa chakuti iwo ndi   anthu   aheni; iwo   akapandika mu mzere wakunyoroka ula, ngati vingoma, kweni Satana wakamija vyakutaw  , vyakuchemeka sayansi, kafukufuku, masambiro, madigrii gha udukotala. Nyengo zinyake iwo ntha   akuzomerezgenje iwe nanga ndi pa gome pekhapekha iwe urongore digiri ya udukotala kufuma ku seminare yinyake kumalo kunyake. Chose ichi ntchakwanangika! Ndi   anthu yayi; ndi ndondomeko iyo njiheni. Ndipo sono kasi ichi chachita vichi? Ichi chose chalamulirika kamozaso, ndipo chatora charu chose (kwizira mu gulu la hayiburidi, utimbanizgi wa Mbewu yapakudankha ya Chiuta) kuruta ku chitimbaheti chinyake cha mdima.

¹¹⁰ Kweni ine ndine wakukondwa chomene kuti Chiuta wakulingalira za ise, mwakuti Iyo wangamanya ndithu kuyenda pa malo pa chakuchitika. Iyo wakalayizga kuti Iyo wazamuchita ichi, na kuchema mskambo uchoko uwo ungamanya ku  a Mkwatibwi Wake.

¹¹¹ Wonani apa sono kamozaso, umo mipingo iyi yikulinganizgikira makora, panji wa Eden awa.

¹¹² Chiuta, kwizira mu Mbewu ya Mazgu Ghake! Ndipo kuli chinthu chimoza pera icho chingamanya kusisipuska Mazgu, ndipo icho ndi Mzimu, pakuti Uwu ndiwo Ukupereka-Umoyo ku Mazgu. Ndipo para Umoyo mu Mazgu wakumana na Umoyo wa Mzimu, Uwu ukubaba chirichose icho Mbewu yiri.

¹¹³ Sono wonani icho chikachitika. Mu munda wa Eden mukawa chuma cha Chiuta cha urunji, ndipo ukawa umoza wa a—maulinda. Ulinda wakudankha ukawa urunji, wantru wakamanya kwananga yayi. Iwo wakamanya chirichose yayi za kwananga. Wose Adam na Eva wakawa nkhuli, kweni iwo wakabisika ku unkhu wawo, na chidiko cha mzimu ku chisko chawo. Iwo wakamanya yayi kuti iwo wakawa nkhuli, munthowu yiriyose, chifukwa iwo wakabisika. Pakuti, chidiko cha Chiuta mu malingaliro ghawo, iwo wakamanya yayi kasi uweme na uheni vika wa vichi. Ndipo ntheura wose wawiri wayimirira apo nkhuli, chikawoneska kuti umanyi ukawa undafike kwa iwo, wonani, kuti iwo wakawa nkhuli. Wose wawiri wakawa nkhuli ndipo wakamanya yayi ichi.

¹¹⁴ Sono usange imwe mujurenge, usange imwe mukukhumba, panji kulemba ichi, ku Chivumbuzi, chipatulo 3. Mzimu Mutuwa kuroskeranga muwiwo waumaliro uwu, ku Muwiwo wa Mpingo wa Laodikeya mu mazuwa ghaumaliro, Iyo wakati, “Iwe uli nkhuli, na wachiburumutira, ndipo ukumanya yayi ichi.”

¹¹⁵ Apo pali Mbewu ya Chiuta, pasi pa urunji, kwambura kumanya chirichose kuti iwo wakawa nkhuli, pasi pa chidiko cha Mzimu Mutuwa, kuphimbika ku kwananga.

¹¹⁶ Ndipo sono mu muwiwo wa mpingo waumaliro, ise tikusanga apa kuti iwo waliso nkhuli, ndipo wakumanya yayi ichi. Kweni nthu ndi chidiko cha Mzimu Mutuwa. Ndi chidiko icho Satana wakaponyera pa Eva kumanyuma kula, chidiko cha udokezi, chidiko cha udokezi. Iwo mbakazuzi chomene mpaka iwo wakumanya yayi kuti iwo wali nkhuli, wanakazi withu pa msewu, wavwara wakabunthu, kavwariro kauzagħali.

¹¹⁷ Munyake wakanditumizgira kachiduswa mu nyuzi dazi linyake, ka diresi liphya ili ilo iwo wavwarenge, ine nkhughanaghana, sate fayivi sentimitazi kufuma ku chiwuno, panji chinyake. Ndipo ine nkuzizwa usange withu—usange wabale withu wanakazi wakumanya kuti icho ndi chidiko cha udokezi?

¹¹⁸ Sono imwe—imwe mungamanya kuyowoya, “Ine ningamanya kusimikizgira, panthazi pa Chiuta, kuti ine ndirije mlandu wa chigoloro chirichose kwa mfumu wane, panji ine... chose ichi.”

¹¹⁹ Kweni ndipouli, pa Cheruzgo, imwe muzamkuchemeka “muzagħali.” Baibolo likayowoya ntheura. Yesu wakati, “Uyo

yose walawiska mwanakazi na kumukhumbira iyo, wachita kale chigoloro na iyo mu mtima wake."

¹²⁰ "Wachiburumutira, wankhuli, ndipo wakumanya yayi ichi!" Ntha wananazi wanichi wara wakavu kuwaro kula; palije icho ine ndiri nacho chakuwasuskira iwo. Ndi chiheni ntheura! Ndipo mendeskeri gha mpingo ghakuwoneka kuti ghakutondeka kuchimanya ichi panji kuyima kususka ichi; warekani wose wadumurenge sisi lawo, wachitenge vyakujiphoda, na wakabunthu na vinthu, pasi pa zina la Chikristu. Ndi chinthu chakofya uli! Wonani, iwo wali nkhlami kamozaso, mu Eden wa Satana, ndipo wakumanya yayi ichi. Iwo wakumanya yayi ichi.

¹²¹ Ine nkugomezga ine nkhuwona, panyake, kulaawiskanga kusirya uku, chiziwa chakugezamo, wanakazi wara kuwaro kula sono. Usange mwanakazi yura wakamanyenge waka kuti icho iyo wakuchita, kweni iyo wakumanya yayi ichi. Iyo wali nkhlami. Thupi lake ndakupatulika. Iyo wakuvura malaya agho Chiuta wakamuvarika iyo, na khungu, mu muwiwo uwu. Iyo rutaruta wakudumura ichi. Iyo wali nkhlami, pasi pa mazgu gha "chitukuko, masambiro ghapachanya, chitukuko chiwemiko, maukhaliro ghapachanya." Rekani ine ndiwoneseske kuti ichi chanjira. Chose ichi ntcha devulu, ndipo chizamkuparanyika pa Kwiza kwa Fumu Yesu. Ichi chizamkuparanyika, chiduswa chirichose cha ichi. Ntha pazamkuwa chinthu chimoza chizamkukhalapo.

¹²² Ndipo, o, mubwezi, charu chose, apo iwe ukutegherezga kwa ine muno mu Phoenix, ghanaghana za vinthu ivyo! Imwe muli muno kuti mujilambike ku ivi. Sono, Yesu wakayowoya kuti, "Iwo wangapurusa Wakusoreka usange nkhwamachitiko."

¹²³ Mzimu wakudankha ukaawa a...chidiko chakudankha chikawa chidiko chituwa, Mzimu Mutuwa, ndipo iyo nthu wakayenera kulaawiska kuwaro kwa Icho. Kweni para—para Satana wakati wayamba kuyowoya kwa iyo za umanyi, iyo wakalingizgako pachoko waka ku charu.

¹²⁴ Ndipo icho ndicho ndendende mwana wake mwanakazi, mpingo, wachita. Imwe mukwenera kuti muwone, imwe mukwenera kuti muvware ngati kaswiri munyake pa cinema, panji wanarumi wachinyamata wakwenera kuti wachite ngati Elvis Presley panji—panji Pat Boone, panji—panji wanthy manyake wara, pasi mu zina la chisopo.

¹²⁵ Pat Boone ndi Mpingo wa Khristu. Elvis Presley ndi Pentekosite. Maukhaliro ghawiri agho ghaponya charu mu nthimbanizgo yakofya kuruska icho Yuda Iskariote wakachita pa kumwendera mphiska Yesu Khristu. Iwo wakumanya yayi ichi. Wanayamata wara wakumanya yayi icho. Palije icho ine ndiri nacho cha kuwasuskira wara—wanayamata wara, madoda, ndi mzimu uwo ukukhuhwirizga ichi.

¹²⁶ Rutani waka kusirya kula pachoko waka, zomerezgani mtaŵa yura wataŵe waka chikantha cha chingoma, nyengo yimoza, wonani icho chikuchitika; chingoma charuta. O, enya, uyu mbwenu wamukora iyo. Ndipo umo ndimo ichi chichitirenge ichi. Ichi chichitenge ichi nyengo yose. Eva wakalingizga waka kamoza ku charu.

¹²⁷ Ndipo rekani ine ndiyowoye chinyake kwa iwe, m'bale na mlongosi. Mu 1 Yohane, chipatulo 2 ndipo vesi 15, ise tingamanya kuŵazga Ili usange imwe mukukhumba, Baibolo likuti:

...Usange ise tikutemwa charu, panji vinthu vyā
charu, ndi chifukwa chakuti chitemwa cha Chiuta ntha
chiri nanga ndi mwa ise.

¹²⁸ Sono, lizgu apo ntha ndi *charu chapasi*; ndi lizgu la Chigiriki, ndi *kosmos*, ilo likung'anamura "dongosolo la charu." Usange ise tikutemwa mafashoni gha charu chapasi, charu, usange ise tikutemwa kachitiro ka nyengo iyi, usange ise tikughanaghana "iyi ndi nyengo yiweme, o, ise tiri na vinthu vyose ivi," usange imwe mukughanaghana icho, ndi chifukwa chakuti kughanaghana kwinu nkhwakwanangika. Ichi ntchakutimbanizgika na devulu. "Pakuti usange imwe mukutemwa dongosolo la charu, na vinthu vyā charu chasono ichi, ndi chifukwa chakuti chitemwa cha Chiuta ntha chiri nanga ndi mwa imwe." Kumbukirani icho. O Chiuta! Wonani icho ise tikulawiskamo!

¹²⁹ Apa ine nkukhumba kuti ndilekezge miniti pera ndipo ndimuphalireni kankhani kachoko. Ine nkhamupulika mliska kufuma ku Nkhondo Yakudankha ya Charu. Iwo ūkakaponya . . .

¹³⁰ Ngati Satana pa chiyambi, para iyo wakati wafika mu munda wa Eden. Iyo ntha wakafukula Mbewu zira. Iyo ntha wakaziparanya izo. Kweni iyo wakazithira poyizoni, ndipo uyu wakapunduzga Mbewu, iyi ntha yikapambika kwakuyana na mtundu wake wakwenerera. Iyi yikapunduzga Mbewu yapakudankha.

¹³¹ Ndipo icho ndicho ziri ndondomeko zose izi za visopo. Iwo ndi wana ndithu wānarumi na wāna wānakazi wā Chiuta, kweni iyi yikupunduzgika. Iwo wākuruta ku tchalitchi, wākukhumba kuchita makora. Mayi ntha wākunjira mu umayi kuti wakawē mwanakazi wankhaza. Mupharazgi ntha wakusambira sukulu kuti wakawē waka a—a—munthu muheni. Imwe ntha mukujoyina mpingo, na kukorana chasa, kulembeska zina linu pa buku, panji chirichose imwe mukuchita mu mpingo winu, kuti muwē munthu muheni. Imwe mukuchita icho kuti muwē munthu muweme. Kweni ndi chinyengo, ndi kupunduzga uko kukuchita ichi. Satana wakathira ichi. Mukuwona? Chiuta ntha wakawāpo na bungwe. Mulije chinthu chantheura chikusangika palipose mu Mazgu gha Chiuta.

¹³² Chiuta ndi bungwe lithu, ise tiri bungwe mwa Iyo, Thupi, mwa Chiuta, Kuchanya. Uwo mbunenesko. Mazina ghithu ghali pa Buku la Mwanamberere Wamoyo. Wonani.

¹³³ Kweni, wonani, ine nkhumanya ichi ntchinonono chomene, kweni ine—ine nkhukhumba kuti imwe muzizipizge waka nyengo yitali pachoko usange imwe mungakhumba. Mu nyengo ya nkhondo ya charu... Mundigowokere ine pa kufumako ku chisambizgo chane.

¹³⁴ Kweni kuti ndipange fundo iyi, ine—ine nakhumbanga kuti ndimupani imwe kurongosora kwane kwa icho Satana wakachita mu Eden: wakathira moyizoni wakofya wakufayira. Kasi imwe mungakhumba kuti mumanye icho mankhwala ghara ghakawâ? Ine ningamanya kumuphalirani imwe. Ine ndiri nayo nthowa ya ichi, mazgu ghâwiri: kuwura kugomezga, cheneicho ndi chakususkana na chipulikano, wakathira kuwura kugomezga, nkhayiko. Ndipo sayansi yikazura malo ghake. Apo pali mpata, uwo ukanjira mu Mbewu, Satana wakazuzga mpata ula na umanyi na sayansi na chitukuko, ndipo ichi chapunduzga chose, chakulengeka chose cha Chiuta.

¹³⁵ Ine nkhumanya imwe mukughanaghana kuti ine nkhumukhalirani imwe pa munthavi, kweni ine ntha ndiri pa munthavi na imwe. Ndipo ise tose tiri kuno kuti tiyezge kusanga icho ise tingachita. Ise ntha tikuyowoya vinthu ivyo kuti tiwe wâkulekana. Ise tikwenera kuâ waneneska.

¹³⁶ Ise, waliyose yumozayumoza, wafikenge ku umaliro wa msewu, uko ise tamkuzgora pa lizgu lirilose. Sono nthena, ise tikumanya kuti mazgu ghithu... Para ise tababika, kulira kwithu kuchoko kwakudankha kukuruta pa tepi. Ichi chizamkusewerekamozaso pa Dazi la Cheruzgo. Nanga ndi malaya agho imwe mukuvwara ghazamkuwoneskeka ku maso kwinu, pa dazi la Cheruzgo. Nanga ndi sayansi yiri kuchisanga icho, kwizira mu television. Wonani, television yikupanga chithuzithuzi yayi, iyi yikupereka waka nthowa. Mtundu wa vyakuvwara, nyengo yiriyose para imwe mukwenda, ghanoghamo lirilose ilo liri mu malingaliro ghinu, likusungika nkhanira pa rekodi la Chiuta. Ndipo chinthu chikuru chira chizamkutandikika nkhanira panthazi pinu, lirilose la madiresi ghaukazuzi agho imwe mukavwarapo; nyengo yiriyose imwe mukaruta ku baba shop, kudumura sisi lira ilo Chiuta wakamupani imwe. Ichi chizamkuwâko. Imwe mwamuzgora pa ichi. Imwe mungapanga yayi kusuntha kula, nanga ndi maghanoghamo waka gha mtima winu apo imwe mukuchita ichi, chizamkusewerekapanthazi pinu. Kasi imwe muzamufyolowoka uli? "Kasi ise tamkufyolowoka uli usange ise tikuzerezga chiponosko chikuru?" Mukuwona? Ise tizamkufyolowoka yayi. Kusuntha kulikose, na maghanoghamo gha mtima, vikujambulika nkhanira mu chigaâwa chinyake, nanga ndi mtundu wa malaya agho imwe mukuvwara.

Television, television yiswesi yikusimikizgira ichi makoraghene, yikuchisolora ichi na kuchiwoneska ichi, wonani, ndipo icho ndi mu chigâwa waka chimoza pa vitatu ivyo ise tikukhalamo. Mukuwona?

¹³⁷ Sono umo poyizoni wakanthira pa mpingo, wakantha charu! Poyizoni wa Satana pa Mbewu, waŵika mipata mu iyi ndipo wapangiska iyi kuâwa yakupunduka. Pakuru na pakuru, iyo wakunjira pasi mu mitima ya mipinga, na mu mitima ya wânthu na chirichose, sayansi, sayansi. Mpaka agha ghazgoka malo uko mtundu wa wânthu, mwakuchita kutorerana...Ine nkugomezga mbewu yiriyose yikwenera kuti yibabe kwakuyana na mtundu wake. Ndipo mtundu wa wânthu, na chakumera, na vyose vyanjilirana, vyatitorera ise ku malo; mu kurya chakurya chithu pa charu chapasi, cheneicho, mathupi ghithu, ghazgoka gha hayiburidi, ichi chaŵika malingaliro ghithu ghose...Sono, usange mathupi ghithu ghakuwa, kufuma ku twente kufika ku virimika twenty-fayivi vyakubabika, chifukwa cha tunyongolosi twakuvukupara, chifukwa cha vyakurya vya hayiburidi, kasi nyongolosi zithu za mu mongo zikuvukupara yayi? Ndi nyongolosi yayi izo, nazoso? Ndicho chifukwa Ricky wakwandana mu msewu umu, na galimoto yakuchimbira chomene iyi; apo Ricketta, wa Elvitta, na wânandi ûwa iwo, umo ise tingazunurira zina, kuwaro kula hafu nkholi panthazi pa wânthu, mitu yanangika, kulijeso fundo za dongsolo panji ukhaliro uweme.

¹³⁸ Ku kankhani kane kachoko. Mliska uyu wakati iyo wakaruta kusika ku chipatala, ndipo wakati wânyamata wânandi chomene wâkagona mu hema, wânji... Iyo wakaŵa kuti wafika waka kufuma kuwaro. Iyo wakati iyo wakaruta kula, ndipo bwana munyake wakamuphalira iyo, wakati, "Mliska, ise tikukhumba kuti tikayendepo, kuti tikayendere minda kuwaro kula." Iwo wâkayithira mbewu iyi ya sinapi mafuta gha chlorine, umo iwo wâkachitira mu mazuâwa ghara.

¹³⁹ Ndipo wakati, "Ine nkharuta kula, M'bale Branham," wakati, "ntha chikâwako chikwa pa khuni, kukaŵavye mphukira ya utheka. Pakaŵa pa mlenji wa Isitara." Iyo wakati, "Kukaŵa wâkasinja wânyake wâkuphwanyika kusika kula, bwana wakatora mazina gha iwo, na kuwona usange chingâwapo chinyake chingamanya kuchitika kwa iwo, kufupi na Nkharango ya Argonne." Wakati, "Para ine nkayimirira kula ndamwene," wakati, "Ine nkhalawîska kuchanya, nkhati, 'O Chiuta, umo ndimo chose ichi chichitikirenge.'" Uwo mbunenesko, chose chikurazga kweneukuko. Chose chikawotcheka, pakaŵavye umoyo palipose, utheka ukaphya wose; khuni, mu mafuta ghara, makuni ghakakomeka, chirichose chikakomeka, chikanyongoloka, chikawa pasi, uko vipolopolo na vinthu vikatwazura ichi.

¹⁴⁰ Usange icho ntha ndi chithuzithuzi cha charu muhanyauno, uko Satana wakuthira kuwura kugomezga kwake, kuchitanga hayiburidi wake, sayansi yake, umanyi wake! Mpaka, icho chikawako pa chiyambi, para Chiuta wakati wawika Adam na Eva mu munda, paradiso wakutowa yura wambura nyifwa, wambura urwari, wambura chitima, ndipo chirichose mu dongosolo lakufikapo, wonani icho DDT wa Satana wachita! Uyu ndi chitimbaleti. Kulije icho chakhalako mu ichi.

¹⁴¹ Iyo wakati, “Ine nkhayamba kulira. Ine nkhawerera kumanyuma, ine nkhakopekera ku jarawe.” Wakati, “Ine nkharuta waka kudera kula ndipo nkhalaŵiska pa jarawe, nkhalingadabura ili. Kusi nkhanira kwa jarawe kukaŵa luŵa lichoko lituŵa likameranga, chinthu chekha pera chamoyo chikakhalaŵo, chifukwa ili likabisika na jarawe.”

¹⁴² Chiuta, Jarawe lane, mutibenerelerere ise muhanyauno, O Chiuta, apo mapoyizoni agha ghakuwuruka kulikose mu zina la sayansi na masambiro. Mutibenerelerere ise. Mundisunge ine mpaka dazi lira, O Chiuta, ndilo lurombo lane. Sono ine nkhugomezga kuti ise, waliyose yumozayumoza, wali pasi pa Jarawe lira, Khristu.

¹⁴³ Ine nkhapharazga waka dazi linyake, ūwanandi ū imwe mukapulika ichi. Ine nkhayendanga mu thengere, kuzengeranga, ndipo ine nkhakopeka kuti ning’anamu. Ndipo ine nkhalaŵiska, ndipo apo pakagona katoni yambura kanthu ya hona panji paketi, panji icho imwe mukuchema ichi. Ndipo iyi ndi kampane, ine ntha nkhuwona kuti ine ndizunure zina lawo, kweni kampane ya hona yikaŵa na... iwo ūali na kayowoyerero, “Sefa ya munthu wakughanaghana, kunjoya kwa munthu wakukhweŵa.”

¹⁴⁴ Ine nkhayamba kwenda kuhira kusika a—mkati pachoko mu thengere, ndipo Chinyake chikandikopa ine, “Werera ku paketi yira ya ndudu.”

¹⁴⁵ Ine nkhaghanaghana, “Ŵadada Ŵakuchanya, ine nkhukhilira kusika uku ku khuni lira uko ūabenga ūra ūkayowoyeka na Imwe ndipo ūkawoneka, mlenji umoza. Ntchifukwa uli Imwe mukundichema ine kuti ndiwerere kumanyuma?”

¹⁴⁶ Ndipo Chinyake chikati, “Iwe uli na upharazgi ukwiza wa pa Sabata. Mutu wako walembeka pa ichi.”

Ine nkhaghanaghana, “Pa paketi ya ndudu?” Ine nkhawerera.

¹⁴⁷ Ndipo ine nkhayamba kughanaghana, “Sefa ya munthu wakughanaghana,” ndi chinyengo uli ichi! Usange mwanarumi wakaŵa munthu wakughanaghana, iyo wangakhweŵa yayi munthowa yiriyose. Kweni, imwe wonani, ūanthu ūkuzomerezga icho.

¹⁴⁸ Ine nkugomezga vikâwa virimika viwiri vyajumpha, para ine nkhwâwa mu umoza wa maungano, Ine nkharuta ku chiwoneskero cha charu chose para ichi chikâwa ku Mphaka za Kuzambwe. Ndipo iwo wakâwa na chithuzithuzi cha Yul Brynner na wânandi âwa iwo kula. Ndipo wâsayansi, wânandi âwa iwo, wakâwa mu chinyumba chenechira, za urwani wa kukhweâwa. Umo iwo wâkuthirira josi lira pa libwe lakufukutuka, ndipo wakawîka thonje ku kakhuni ndipo wakatorapo nikotini ndipo wakawîka uyu pa msana wa mbeâwa, ndipo wakayiwîka iyi mu chitupa, mu mazuâwa seveni iyi yikazura chomene na kansa kuti iyi yikatondekanga nanga nkuyenda. Mukuwona? Iyo wakati...Wakafumiskira ili mu maji, ndipo wakati, "Sefa!"

¹⁴⁹ Wakati, "Sefa? Kulije chinthu chantheura." Wakati, "Iwe..." Sono, ichi ndi sayansi iwoâwene. Iwo wakati, "Imwe mungaâwa yayi na josi pekhapekha imwe muwe na phula. Phula likupanga josi."

¹⁵⁰ Ndipo chinthu chimoza pera icho chiriko, ndi chinyengo chakuti wâguriske ndudu zinandi, para chira...Usange... Ine ntha nkugomezga imwe mukughanaghana kuti ine ndine wakunyoza panji wakunyanyira. Devulu yura mwa munthu, uyo wakumupangiska iyo kukhweâwa, kuti wajikome iyomwene. Para iyo—iyo wakukhumba nikotine wa ndudu yimoza, yira yiperekenge chilakolako chake, sono kampane yikwiza na nthowâ iyi ya kunyenga, ndipo yikuti, "Sefa ya munthu wakughanaghana." Iyo wakwenera kuti wakhweâwe ndudu zinayi panji zinkhonde, kuti wapange phula munandi mwa imwe (kuti wamukhoromweske iyo) umo imwe mukachitira na yimoza. Wina America kuguriskanga nyifwa ku wâbale na wâlongosi wâwô! Ine nkupulikiska yayi ichi.

¹⁵¹ Kweni ndipouli, mkatî mula, ine nkaghaganaghana, "Yiriko Sefa ya munthu wakughanaghana iyo njaunenesko."

¹⁵² Sono, usange munthu wakakhweâwanga, kumbukirani, ichi chikupanga kunjoya kwa munthu wakukhweâwa. Ntheura, usange imwe ntha mungaâwa na chila...kukhutiska chilakolako cha josi mpaka imwe musange josi kula, imwe mukusanga...yikwenera kuti yipange kunjoya, ntheura, imwe mukukhweâwa ndudu zinayi, panji zinkhonde, na kulipira zinandi pa iyi kuruska umo imwe nthena mukachitira, imwe mukakhweâwa waka ndudu yimoza. Wonani, ndi nthowa, nthowa ya malonda; kupusikanga wânthu, wina America. Para ine nkughanaghana za Valley Forge, George Washington; na wâwiri pa wâtatatu pa wâsirikali wake, ndipo wakawavye skapato ku marundi ghawo, pa dazi lira lakuzizima, kuti wâtipangire ise ubwana uwo ise tiri! Ndipo pamanyuma wina America wakuguriska America, m'bale wake na mlongosi, nyifwa, pasi pa chinyengo chautesi, chifukwa cha ndalamâ malkho, msisi wa uheni wose. Chikhumbo cha ndalamâ, chitemwa. Chinthu

chose chafuntha, kwambura kumanya kuti chinthu chose ichi chizamkuparanyika! Kweni usange imwe ntha mukusanga josi, imwe mungamanya kuwa nako yayi kunjoya.

¹⁵³ Ntheura ine nkhaghanaghana, “Yiriko Sefa ya munthu wakughanaghana.” Sefa ya munthu wakughanaghana! Ndipo ine nkhatora mutu wane kufuma ku “Sefa ya munthu wakughanaghana yikubaba chilakolako cha kunjoya kwa munthu mutuwa.”

¹⁵⁴ Ntheura ine nkhaghanaghana kuti mabungwe ghithu ghali kuchita vinandi ngati icho, wakuwawika wantru mkaati ndipo wakujichema iwoñene Wakristu awo wakuchita waka mulimose. Chifukwa? Iwo wakupokera wanandi mu bungwe lawo panji mabungwe. Ise tikupokera wanandi mula chifukwa ise tikuwazomerezga iwo kunjira pasi pa *ichi, icho*, na *chinyake*, na chirichose. “Icho ntha chikupanga mphambano yiriyose, mbwenu iwo wakulembeska waka zina lawo pa buku na kuti iwo ndi Mukhristu. Mbwenu kwamara. O, ‘mwa chipulikano imwe mukuponoskeka.’ Imwe mukwenera kuti mugomezge.” Devulu wakuchita chinthu chenechira. Enya.

¹⁵⁵ Imwe mukwenera kuti mubabikeso, ndipo uko kukwizira mu Sefa ya Chiuta! Sono yiriko Sefa ya munthu wakughanaghana. Ine nakolera Iyi mu woko lane. Iyi ntha yipangenge kunjoya kwa bungwe, kweni Iyi yikhoromweskenge kunjoya kwa munthu mutuwa, imwe mukumanya.

¹⁵⁶ Kasi mwanakazi wakudumura sisi wangaporota uli mu Sefa iyi? Kasi mwanakazi wakuwvara wakabuntru wangaporota uli mu Iyi, panji mabuluku, apo Baibolo likuti, “Ndi ukazuzi kwa Chiuta, kuti mwanakazi wavware chakuvwara icho nanga ndi cha mwanarumi”? Ndipo vingachitika uli kuti mwanarumi uyo wakughanaghana za iyomwene, warute kuwaro uku na kuvwara ngati wanakazi, kuzomerezga sisi lake likure ngati mwanakazi, musi mu maso ghake, na mawigi, na vyakuposekana ngati *ntheura*? Mwanarumi wavwara malaya gha mkaati gha muwoli wake. Mwanakazi wavwara malaya ghake ghakuwaro. Sefa ya munthu wakughanaghana? Mwanarumi wakughanaghana wangachita yayi icho, panji mwanakazi wakughanaghana wangachita yayi ichi. Mazgu gha Chiuta ghazomerezgenge yayi ichi chiporote.

¹⁵⁷ Kulije chinthu chimoza chingamanya kupoleta mu Mazgu ghara. Uwo ndi Mzimu Mutuwa, ndipo Uwu ukunjizga Mazgu mwa imwe, ndipo Uwu ukupanga kunjoya kwa munthu mutuwa.

¹⁵⁸ Laŵiskani muhanyauno, Ricketta pa msewu, wakuwoneka makora, thupi lakutowa ilo Chiuta wakapereka kwa iyo, ndipo Satana wakuligwiriska ntchito ili. Ndipo iyo wavwarengé mwauzagħali chomene, kwambura kumanya kuti sabata yimoza

kufuma muhanyauno iyo panyake wazamkuwa kuti wakuvunda mu dindi.

¹⁵⁹ Wakakhiranga pa msewu kuno ntha kale chomene. Ine nkhapharazganga pa ungano ukuru mu Assemblies of God kudera ku Mphaka za Kuzambwe, mu ungano uko ku chigawa cha Southwestern Bible School. Mwanakazi muchoko wakakhiranga na msewu, muchoko...wakavwara malaya ghakupyapara ghara, mabikini, chirichose imwe mukuchema ichi, ndipo chilesi kulenderanga, na chipewa cha mnyamata wa ng'ombe na majombo. Ine nkharutanga kukweranga msewu. Ine nkhaghanaghana, "Munthu muchoko wachitima, mwana wa mama na dada munyake, wakamuwika pano kuti wazakaŵe mwana mwanakazi wa Chiuta, ndipo wazgoka nyambo ya msampha wa devulu." Ine nkhaghanaghana, "Ine nkugomezga ine ning'anamukenge waka ndipo niwererenge kumanyuma, ndipo ndimuphalirenge mwana yura." Iyo wakawoneka kuti wakawa pafupifupi msinkhu wa Sarah wane kula, virimika seventini, virimika sikisitini vyakubabika, panji chinyake. Ine nkhaghanaghana, "Yayi, ntchiweme ine nireke kuchita. Ine nirutenge waka kumtunda uku pa msewu na kukamurombera iyo. Usange munyake wakandiwona ine nayimilira na kumuyowoyeska iyo, ine ntchiweme nireke kuchita ichi."

¹⁶⁰ Sono, ndipo tegherezgani, wana wa Chiuta, imwe mukufika mu malo ghantheura, wa Jezebel awa wa nyengo iyi wakumukweweskani imwe, kweni mwanarumi wakughanaghana waghanaghanenge dankha. Iyo panyake wangawa wakuwoneka makora chomene, panyake wangawa "Ine ningamanya kukumana nayo iyo," kweni ichi chikutayiskenge uzima wako, mnyamata; wasungwana wanyake imwe, ku Maricky agha! Sefa ya munthu wakughanaghana yikupanga kunjoya kwa munthu mutuwa.

¹⁶¹ Imwe wanarumi wapanthengwa, para imwe mukuwona wanakazi wara pa msewu ngati ntheura, imwe wana wa Chiuta, kasi imwe mukumanya yayi icho chikachitika mu mtendeko pakudankha? Para sayansi yikati yapanga wanakazi kuwa wakutowa chomene pambere chigumura chindachitike, mpaka wana wanarumi wa Chiuta wakatora wana wanakazi wa wantru (ntha wana wanakazi wa Chiuta), ndipo Chiuta wakaruwa yayi ichi. Iwo wakaparanya chinthu chose; sayansi, kutowa. Kale kukachitikanga kuti...Imwe muwone kutowa kwa wanakazi kukukwera mu mazuwa ghaumaliro, ndi chimanyikwi cha umaliro; Chiuta wasimikizgira ichi. Ntheura, kugwiriska ntchito Sefa ya munthu wakughanaghana, imwe muwenge na kunjoya kwa munthu mutuwa. Ichi chinangiskenge nyumba yinu. Ichi chinangiskenge udindo winu. Ichi chinangiskenge chirichose imwe muli nacho; kusazgirapo icho, uzima winu! Ichi chiphwasurenge nyumba yinu. Ichi

panyake chingapangiska mwanarumi munyake kuti walere wâna wako, panji mwanakazi munyake kuti walere wâna wako.

¹⁶² Torani Sefa ya munthu wakughanaghana, iyi yipangenge kunjoya kwa mwanakazi mutuwâ. Para iwe wanyamuka kuruta ku baba shopu, panji chinthu chinyake, ndipo iwo wakukuphalira iwe, “Iwe uâwenge na kupweteka kwa mutu, iwe ukumanya.” Torani Sefa ya mwanakazi wakughanaghana, icho Baibolo likayowoya, wonani, ntheura khalani kutali na ichi. Mukuwona? Kuchita yayi ichi.

¹⁶³ Ine ndine m’bale winu, ndipo ine nkhumutemwani imwe. Ndirije chakumususkani imwe. Chiuta wakumanya. Ndipo icho ndicho chikunipangiska ine kuyowoya vinthu ivyo ine nkuyowoya, ndi chifukwa cha—cha chitemwa cha Chiuta pa iwe. Usange munthu wangaruta kuwaro kula ndipo iwo wakuphalirenge yayi iwe, mliska wako wakukuzomerezga iwe kukhala waka phwi na kuchita ngati ntheura, iyo wakukutemwa yayi iwe. Iyo wangakutemwa yayi iwe. Ine ningachikhumba yayi chitemwa cha mtundu uwo pa wânakazi. Ine nkukhumba kuti ndiwe na kunjoya kutuâwa kwa mlongosi wane. Ine nkukhumba kuti iyo waâwe nadi mlongosi wane. Ntha munyake wangamanya kuyowoya kuti, munyake kuyowoya za iyo kuti ngwakutowa chomene na umo iyo waliri, na mafumukazi ghara ghazaghali, “Iyo wakuruta ku yane . . .” Huh-uh. Yayi. Ine nkukhumba iyo waâwe dona!

¹⁶⁴ O Fumu, ndisungeni ine pasi pa Jarawe. Enya. Mu Waefero 5:26, nthowa yimoza pera imwe mungamanya kupo-rotera mu Jarawe lira, iyo ndi, “Kuchapika na maji ghakupatulanya mwa Mazgu.” Uwo mbunenesko.

¹⁶⁵ Sono, kumuzomerezga yayi devulu uyu wamuthireni imwe na masambiro ghake. Yayi, yayi. Ichi chikomenge chikoka cha imwe. Kuzomerezga yayi devulu watore icho, “Enya, ine ndiri mu mpingo uwo mama wane wakaâwa, uwo adada wâne, agogo wâne wânakazi wakaâwa.” Kuzomerezga yayi devulu wamuthireni imwe na icho. Baibolo liri kuyowoya kale, pa Miwiro Seveni ya Mpingo, na vinthu kula, chose charuta ku mbewu! Uwo mbunenesko. Chinthu chose chavunda. Chinthu chose ndi chilonda chakunkunkha. Kumuzomerezga yayi iyo wakuthire iwe, kuti, “Enya, ndi fundo zaukhaliro zapachanya. Ise ndise wâkusambira chomene kuruska umo ise tikaâwira mu nyengo zakale.” Kuzomerezga yayi devulu wâwike icho pa iwe. Ine ndamuwoneskani imwe ndondomeko yake yose ya chitukuko, masambiro na sayansi. Iyo wali nacho ichi nkhanira mu mpingo, ndipo ntha mungategherezganga ku icho. Fumiskanimo mu mutu winu matelevision ghakale ghaukazuzi na vinthu!

¹⁶⁶ Ndipo mutu withu ukuti, “Muleke kulinganizgika, kweni imwe musinthike.” Ntha kunjira mkati na kuti, “Ine

nkhakhozgeka, pa Sabata.” Yayi. Njirani ndipo musinthike sono nthena, kusinthika kufuma ku icho imwe muli, kufika ku icho Chiuta wakukhumba kuti imwe muwé.

¹⁶⁷ Sono, ichi chikutorera mtundu wa mbewu iyo yiri mwa imwe. Usange njazeru za m’mutu, mbewu ya masambiro yaŵikika mwa imwe, pali chinthu chimoza pera icho iyi yingachita, kumupunduzgani imwe, mbwenu kwamara, kufuma ku mwana mwanarumi panji mwana mwanakazi wa Chiuta. Ndi chinthu chekha pera iyi yingachita. Wantru muhanyauno, umo ine nkhulaŵiskira kuwaro, iwo wakuchita ngati kuti iwo ntha wakugomezga kuti kuli Chiuta.

¹⁶⁸ Mundigowokere kayowoyeraka. Usange malingaliro gha munyake ghapwetekeka na ichi, ine ndicho nkhung’anamura yayi. Masabata ghangapo ghajumphra ine nkhachemeka, na mwana wane mwanakazi, kuti nifike ku television na kuti niwonerere kwimba kwausopisopi. Pakaŵa pa Sabata mlenji. Ine nkhakhumbanga kuti ndimupulike Oral Roberts pa ndondomeko yake, ine nkhaŵaphalira iwo kuti wāndiphalire ine. Wakati, “Imwe pulikani ichi, uku ndi kwimba kukuru kwa sumu.” Mwana wane wayimirira apo, wakandiphalira ine za ichi, nayoso. Ndipo ine nkhajura chinthu chira . . .

¹⁶⁹ Ise tikuchita rendi ku mwanakazi uyo wali na television mu nyumba yake. Ine nkhukhumba yayi kuwa na yimoza mu nyumba yane. Yayi, bwana. Ine nkuchikhumba yayi chinthu icho mu nyumba yane. Ine mbwenu niphuliskenge ichi na futi yane. Ine nkhukhumba yayi kuchita chirichose na chinthu chiheni chira. Yayi, bwana! Kweni wakatora a . . .

¹⁷⁰ Rekani ine ndimuphalireni imwe za imwe wā ku Arizona kuno. Imwe mukawona kafukufuku yura dazi linyake, wa sukulu, mukawona yayi imwe? Eyite pa handiredi wa wana mu sukulu za Arizona wākupereŵera zero za m’mutu, sikisite-seveni pa handiredi wā iwo chikawa chifukwa cha kuwonerera television. Mukuti uli na icho?

¹⁷¹ Ntchiweme imwe mugwiriske ntchito futi yinu! Mukuwona? Sono, kuzomerezga yayi devulu wamuthireni imwe na icho. Yayi, bwana. Sono wantru, umo ine nanguyowoyeraka, wantru wakuchita ngati kuti iwo ntha wazamkwiza ku Cheruzgo.

¹⁷² Wanyamata aŵa na wāsungwana, iwo wakawa na banja linyake la Chimwenye, na mtundu wose wa vinthu. Ine nkhughanaghana kuti munthu wakuthyika Mr. Pool ndi mulara wa ichi. Ndipo usange ine nkhawonapo kunyoza kwa sumu, kukaŵa umo iwo wākachitira ichi; gulu la Maricky layimirira apo, kugwedezganga mawoko ghawo muchanya-na-pasi.

¹⁷³ Ine nangumuwonga chomene mynamata muchoko yura muno mlenji uwu, uyo wanguyimba, wanguwoneka wankharo, ngati mwanarumi mweneko. Ine—ine nkhuchitemwa icho. Para imwe—imwe wantru wābizinesi nyengo yinyake kuno

mukusanga gulu la ma Ricky awo wâkwmilira muno, na kuzingilira na kuchemerezga, na kuchita uheni, na kudamika mvuchi wawo mpaka iwo wâkuzgoka blu ku chisko; ndipo uko ndi kwimba yayi, uku ndi kupanga waka chiwawa chikuru cha sayansi. *Kwimba* ndi “nyimbo kufuma mu mtima.”

¹⁷⁴ Ndipo ine nkaghaganaghana, “Chachitima uli! Chasoni uli! Ntheura uli pasi pa zina la chisopo, iwo wâkuchita ngati kuti kulije Chiuta!” Munyake wakayowoya, dazi linyake, kwa mnyamata uyo wakwendwa na mwana wane msungwana, Mnyamata Mukhristu wakayowoya, wakapereka ndemanga yapachanya za Adam na Eva, wakati, “Eva kwendanga mu munda. Wakati, ‘Mwaŵana, imwe mukuliwona khuni lira apo?’ Wakati, ‘Kula ndiko amama wînu wâkarya kutifumiska ise mu nyumba na pakaya.’” Kasi imwe mungalingalira, wakenera kuti wakaŵa Mukhristu wakukhora, uyo wakamanya kutora phangano na Mazgu gha Chiuta na kughaponya igho kuwaro kwa chitupa cha nkhumba! Iwo wâkuchita ngati kuti iwo wazamkwiza ku Cheruzgo yayi. Kweni Chiuta wazamkuvumbura chisisi chirichose mu Cheruzgo. Iwo wâkuchita ngati kuti kulije Chiuta.

¹⁷⁵ Ine nkhukhumba yayi kuŵachema iwo chindere, chifukwa Baibolo likati chindere...ntchiweme yayi. Yesu wakati ichi ntchiweme yayi. “Ntha mungachemanga munthu chindere.” Kweni mu Masalmo 14:1, “Chindere chikayowoya mu mtima wake, ‘Kulije Chiuta.’” Mukuwona? Iwo—iwo ntha...Ine nkhukhumba yayi kuŵachema iwo vindere, kweni iwo wâkuchita ngati kuti ndiwo. Iwo wâkuchita ngati ichi.

¹⁷⁶ Ntheura, imwe mukuwona apo ise tiri muhanyauno, ngati kuti, “Kulije Chiuta.” “Ine ndiri mu mpingo!” Ndipo iwo wose, chinthu chose, Baibolo, ndi nthabwala yikuru. “Mpingo withu ukumanya uko iwo wâkuruta!” Enya...[Pa tepi palije kalikose—Munozgi]...nkhanira warunjika ku gehena, ndendende. Nkhanira pa ulendo wawo, nkhanira kwendera mu sayansi na masambiro, maseminare gha kusambira vyachiuta na vinthu, kuŵathiranga waka iwo nkhanira pa msewu. Mzimu Mutuŵa walije mwaŵi kuti wapereke uvumbuzi pa chirichose; seminare yadumurako ichi.

¹⁷⁷ Mzimu Mutuŵa ngwakuti watirongozenge ise; seminare yayi, ntha mabishopu na wâlamuliri, na vinyake ntheura. Mzimu Mutuŵa ndi Murongozgi withu.

¹⁷⁸ Kayini wakaŵa munthu ngati wantheura. Iyo wakaŵa musopisopi chomene mu zintchito. Sono, usange chisopo ndi cheneicho imwe mukwenera kuŵa nacho, ipo Chiuta wakaŵa murunji yayi pa kumususka Kayini. Chifukwa, iyo wakaŵa msopisopi, iyo wakaŵa waka msopisopi na kugomezgeka umo Abel wakaŵira. Sono kumbukirani, iyo wakaghanaghana za Chiuta, iyo wakamusopa Chiuta, iyo wakaŵa na mpingo, iyo

wakazenga jotchero, iyo wakapanga sembe, iyo wakaromba, iyo wakasopa, kweni iyo wakakanika. Palije kanthu kwali... Esau wakâwa, nayoso. Mukuwona?

¹⁷⁹ Chisopo, wonani, iyo ndi ntchito ya Satana; ntha kuti wakome chinthu chose, kweni kuchinanga waka ichi. Mbewenu kwamara. Iyo ntha wakomenge chinthu chose. O, ntha chikomunisti; yayi, yayi, chikanakhristu ndi chikomunizimu yayi. Baibolo likati, "Ichi chingamanya kupuruska Wâkusoreka usange ichi chikaâwa chamachitiko." Kuwona katani ya chisulo yayi, kweni yimoza yituwurufu. U-huh.

¹⁸⁰ Kweni, wonani, Kayini wakiza kuzakasopa, kweni iyo wakâwa na mbewu yiheni mwa iyo, mbewu ya serepente. Saundi ya serepente yikapulikikwa pa iyo, pakuti iyo wakâwa mbewu ya mwanakazi. Iyo wakalimanya khumbo lakufikapo la Chiuta, kweni iyo wakakana kuchita ichi. Kasi imwe mukachimanyanga icho? Satana wakulimanya khumbo la Chiuta, kweni wakukana waka kuchita ichi.

¹⁸¹ Wonani, iyo wakawona Chiuta wakukhozgera uthenga wa Abel. Sono ine nkukhumba kuti imwe mughanaghane, gwiriskani ntchito Sefa yinu ya munthu wakughanaghana sono miniti pera. Uthenga waunenesko wa Abel, kuti Chiuta wakakhozgera kuti ukaâwa Waunenesko! Kasi imwe mukupulika sono? U-huh. Uthenga wa Abel ukapokerereka, ndipo Kayini wakachiwona ichi ndipo wakamanya kuti Chiuta wakakhozgera uthenga ula ukaâwa waunenesko. Kweni iyo wakachita waka yayi ichi. Kunyada kwake kukamutondeska iyo ku ichi. Uwo mbunenesko, kunyada kwake kukamutondeska iyo kuchita ichi. Iyo wakamuwona Chiuta wakukhozgera uthenga.

¹⁸² Ntheura ichi chikuwoneka kuâwa ntheura sono, ntchinonono chomene ku ânthu kuti wajikhizge iwoâwene ku Mazgu gha Chiuta. Iwo—iwo—iwo wajikhumba yayi kuchita ichi. Iwo wajikhizgenge iwoâwene ku kachitiro ka chigomezgo cha mpingo, nadi, kweni ntha ku Mazgu gha Chiuta.

¹⁸³ Usange imwe mukukhumba kuti muchisange ichi, imwe murute ku...Ine ndiri na Malemba apa, icho ndicho ine nkuyowoya apa. Genesis 4:6 na 7, Chiuta wakayowoya kwa Kayini, wakati, "Ntchifukwa uli chisko chako chawa? Ntchifukwa uli iwe wazura na ukali, ukwendendeka? Iwe wapulika waka uthenga uwo wakukalipiska iwe." Wakati, "Enya, ntchifukwa uli iwe wachita icho? Ntchifukwa uli chisko chako chawa, chifukwa chakuti Ine nangunjira yayi mu tchalitchi lako? Ntheura ntchifukwa uli iwe wanguchita ichi?"

Kasi iwe ukugwiriska ntchito Sefa ya munthu wakughanaghana? Mukuwona?

¹⁸⁴ Panji, "Ntchifukwa uli ntha... Ntchifukwa uli iwe ukuwoneka ngati ntheura?" Wakati, "Usange iwe uchitenge makora, ruta ukachite ngati ndiumo munung'una wako

wakuchitira kuwaro kula, Ine ndikupokererenge iwe na kukutumbika iwe. Ine ndikuchitirenge iwe chinthu chenechira.” Kweni iyo wakachita yayi ichi. Iyo wakati, “Sono, usange iwe ukuchita yayi, kwananga kwa kuwura kugomezga kuli pa muryango.”

¹⁸⁵ Sono para iwo ḫakutiphalira ise, “Mazuwa gha minthondwe ghali kujumpha,” iwo ḫakuchiwona ichi chikukhozgeka makoraghene na kusimikizgika, imwe wonani, vinthu vyose ivi ivyo Chiuta wakalayizga kuti Iyo wazamuchita mu mazuwa ghaumaliro, gha Chivumbuzi 10 na Malaki 4, vinthu vyose ivyo vyakhözgeka makoraghene, kasi suzgo ndi vichi, ḫabale? Kasi ntchivichi chanangika, mukuwona?

¹⁸⁶ Usange iwo ḫakuchita yayi, kuwura kugomezga, cheneicho ndi kwananga... Kuli kwananga kumoza pera, uko ndiko kuti, kuwura kugomezga. Uwo mbunenesko. Imwe ntha mukususkika chifukwa chakuti imwe mukumwa, mukukhweŵa, mukusumba, mukuvwara ḫakabunthu, mukuchita chirichose imwe mukuchita. Yayi, icho chikumususkani yayi imwe. Ndi chifukwa chakuti imwe mukugomezga yayi. Usange imwe mukagomezga, imwe mungachita yayi icho. Mukuwona? Wakugomezga wakuchita yayi icho. Iyo wakutora Sefa ya mwanarumi wakughanaghana, wonani, wonani, panji Sefa ya mwanakazi wakughanaghana, yimoza ya izi. Viri makora. Kweni, imwe wonani, kwananga kuli pa muryango.

¹⁸⁷ Sono wonani icho chira chikachita kwa Kayini, ndipo ichi chiwenge chimozimozi muhanyauno. Ichi chikampangiska Kayini kufumapo, wakwananga wakuchita kukhumba. Iyo mwakukhumba wakapanga mtafu. Munthu waliyose wazamkuwa ntheura. Mtafu wakuchita kukhumba pamanyuma pakuti iyo wakati wawona uthenga wa Abel ukahözgeka chomene na Chiuta, kuti uwu ukawa unenesko, ndipo wakakana kuchita ichi. Wakachita chinthu chenechira pamanyuma. Ntheura iyo wakajumpha mzere.

¹⁸⁸ Pali mzere uwo imwe mungajumpha. Imwe mukumanya icho, mukumanya yayi imwe? Sono, ḫapharazgi, mose muno na kuwaro mu-charu pa telefoni uko ukupharazgi uwu ukufika mu charu, kasi imwe mukumanya icho? Para imwe mukuwona kuti ili ndi Lemba, ndipo imwe muchitenge yayi ichi, Chiuta nyengo zose ntha... Iyo a... O, imwe murutirirenge, kutumbikika. Ntheura ndimo wakaŵira waliyose wa Israel, iwo ḫakakhalanga nkhanira mu mapopa, ndipo ḫakababa wana, mbewu, ndipo ḫakatumbikika, na chirichose, kweni “waliyose wa iwo wakapatukako Muyirayira kwa Chiuta.” Yesu wakayowoya ntheura. O, enya, Chiuta warutirirenge kumutumbikani imwe, kweni imwe mwaruta. Nadi. Icho ndicho Baibolo likuyowoya sono, icho ndicho Iyo wakayowoya. Wonani, imwe mungamanya kujumpha mzere wakugaŵa. Kasi imwe mukugomezga icho? Kayini wakachita.

¹⁸⁹ Tiyeni—tiyeni tijure waka apa miniti pera, ine natora Wahebere 10:26. Tiyeni tiwone usange ine ningalisanga ilo nkhanira mwaluwîro. Buku la Wahebere, chipatulo 10 ndipo a...Ine nkugomezga, vesi 26. Ine ndalemba ili apa. Miniti pera, usange imwe muzizipizgenge nane, ndipo tiyeni tiwazge waka Ili miniti pera. Viri makora, ise tiri apa.

Pakuti usange ise tikwanangira dara pamanyuma pakuti ise...tikapokera umanyi wa unenesko, kwakhalaso sembe yinyake yayi ya kwananga,

Kweni mavonekero ghanyake ghakofya gha cheruzgo na ukali wa moto, weneuwo uzamkumirimitizga murwani.

¹⁹⁰ Icho ndi NTHEURA GHAKUTI MAZGU GHATUŴA GHA CHIUTA. Usange ise tikukayika mwakukhumba pamanyuma pakuti ise tachiwona Ichi ndipo tapulika Ichi, ntheura ise tikujumpha mzere. Kuzamkuŵaso chigowokero yayi munthowa yiriyose ku ichi, imwe mwajumpha mzere.

“O” imwe mukuti, “Chiuta wachali kunditumbika ine.” O, enya.

¹⁹¹ Kumbukirani Israel, *ŵamumphaka*, para Chiuta wakaŵapa iwo phangano, la kukanjira mu Charu Chituŵa, a...mu charu, chikâwa chiweme, cha mkaka na uchi, ndipo para Moses wakati watuma Kaleb na Joshua, na ŵazondi, kuti ŵarute ŵakazonde charu, ndipo ŵayeghako ukaboni wakukhozgeka, khumi ŵa iwo ŵakati, “Ise tingachita yayi ichi, ise tilije nkhangono, ŵakalaŵiska pa unonono kula, ise tiwenge ŵakunyanyira, ise tiri na vinthu vichokovichoko ivi vyakuti tirwire, ŵakalaŵiska ivyo iwo ŵakaŵa navyo, ise—ise tingachita yayi ichi, ise tilije nkhangono kuchita ichi.”

¹⁹² Joshua na Kaleb ŵakati, “Ise ndise ŵankhongono kuchita ichi, Chiuta wakapanga phangano.”

¹⁹³ Ndipo, kumbukirani, iwo ŵakawerera kumanyuma. Apo pakâwa pa Kadesh-barnea. Ndipo iwo ŵakawerera kumanyuma ndipo ŵakazgoka ŵakuyingayinga mu mapopa. Ndipo waliyose wa iwo wakafwa, ndipo ŵali kutayika Muyirayira. Yesu wakayowoya ntheura.

¹⁹⁴ Rekani kujumpha mzere ula wakupatulanya, wonani. “Para imwe mukumanya kuchita chiweme, ndipo mukuchita yayi ichi, kwa imwe uku ndi kwananga.”

¹⁹⁵ Israel wakachita chimozimozi. Para iwo ŵakati ŵamuwona Moses wakakhözgeka, ndipo pamanyuma ŵakafumba Balaam waŵathire iwo, Mbewu yakuzirwa yira yakukhozgeka. Mliska, ntha ungayezganga (basopu) uyowoye chinyake kususka Mazgu agha. Muwoneni Balaam, iyo wakaŵa muprofeti, ndipo iyo wakawona Mbewu ya Chiuta yikahözgeka. Kweni pasi pa bungwe lake yekha likuru ilo iyo wakaŵamo, Moab wakaliwona

gulu lira la wakuyingayinga likujumpha mu charu, iyo wakalithira ili, ndipo wakati, "Enya, lindizgani miniti pera. Ise tose ndise Wakhristu. Ise tose ndise wakugomezga. Chifukwa, wadada withu na wadada winu ndi wamoza. Kasi ndise wana wa Lot yayi ise? Kasi Lot wakaŵa muphwa wa Abraham yayi? Kasi ise tose ndise wakuyana yayi? Tiyeni titorane yumoza na munyake."

¹⁹⁶ Ndipo Israel, ngati Eva mu munda wa Eden, wakazomerezga Satana kumuthira iyo, iyo wakamuthiraso Israel kwizira mwa muprefeti mutesi. Apo, muprefeti mweneko wakaŵa na iwo, na Mazgu ghakukhozgeka. Kweni mwa kapulikiskiro ka umanyi wa zeru za m'mutu, iyo wakawathira iwo. Ghanaghanani za ichi. Sono, ichi chikagowokereka yayi, kwananga kukagowokereka yayi.

¹⁹⁷ Mbewu zikavundira nkhanira mu nthowa ya ntchito, pa ulendo wakuya ku charu chaphangano. Waliyose wa iwo wakaparanyika ndipo wakavunda, nkhanira mpingo, mu mzere wa ntchito, kurondezganga Chiuta. Ndipo wakazomerezga Satana kuwathira zeru za m'mutu zira pa iwo, masambiro, kapulikiskiro ka zeru za m'mutu, kuti, "Chifukwa, ise tose ndise wamoza, ise tose ndise wana wa Chiuta." Imwe ndimwe yayi! Kweni iyo wakazomerezga musambizgi mutesi yura kula kuwathira iwo na kapulikiskiro kala ka zeru za m'mutu ako iyo wakaŵa nako ka Ichi.

¹⁹⁸ Ndipo ngati ndiumo Mphara ya Chisanisani yikuchitira sono nthena, wonani, chinthu chenechira, "Chifukwa, ise tose tijoyinanenje pamoza mu bungwe limoza likuru." Mayendeskero għinu ghose għa bungwe nga devulu. Ndi lusimbo lwa chikoko, mu Baibolo. Ine ndiwenġe na buku pa ichi, nkhanira mwasonosono, para Fumu yazomerezga.

¹⁹⁹ Wonani, mu nyengo ya Nowa, kuwonanga Mazgu ghakuzenguka, kuti ghayenjame. Sono rekani ine ndipange ndemanga yichoko apa, Mazgu kuwikkika pamoza kuti għas-inthe kufuma mu dongo kufika ku mitambo. Kuwonanga kapangikiro ka chinthu; kweni na kapulikiskiro kawo ka zeru za m'mutu, wakaseka pamaso għa muprefeti, Nowa, para iyo wakachima za nyengo yaumaliro. Kweni kasi wakachita... Chinthu chira chikapangika na Mazgu għa Chiuta, wakamata phula mkatni na kuwaro, na lurombo na chipulikano. Para vura yikati yafika, kapulikiskiro kose ka zeru za m'mutu ka visopo kakfawa ndipo wakavundira nkhanira mu... nkhanira mu mipingi yawo, nkhanira pa charu chapasi. Ndipo ngaraŵa yikayenjama pachanya pa wose. Mbewu yasayansi yakuthirika yikavundira nkhanira mu cheruzgo.

²⁰⁰ Kasi ise tikuyezga kuchita vichi, munthowa yiriyose? Kasi ise tikuyezga kukhazikiska mpingo withu panji kasi ise tikuyezga kukhazikiska Mazgu għa Chiuta? Kasi ise tikuyezga kuchita

vichi? Kasi ise tikuchita vichi? Kasi ise tikuyezga kuŵatorera wānthu mu Ichi? Kasi Eva mukuru uyu wakuyezga kuchita vichi apa mu mazuŵa ghaumaliro agha, mpingo uwu wa Eva?

²⁰¹ Ine nkuyenera kuti ndilekezge nkhanira mwasonosono, m'bale, chifukwa iyi ndi-nyengo yamara chomene. Mundipeko waka maminiti pafupifupi fifitini pera, ndipo ine ndilekezgerenge pa ghane—Malemba ghane apa. [M'bale wakuti, “Nadi, rutirirani.”—Munozgi] Enya. Viri makora. Ine nkhumanya. Enya, wānthu panyake wākukhumba kuti wānjire muno na kutozgamo. Kweni nkhuwoneka waka ngati kuti ntchinonono kwa ine kuti ndilekezge. Ine ndifulumirenge. Viri makora.

²⁰² Wonani, wa sayansi chomene, wa masambiro, Eva wahayiburidi muhanyauno, wakuchemeka mpingo, kasi uwu ukuyezga kuchita vichi? Kasi uwu ukuyezga kukwezga Mazgu gha Chiuta, na kuŵazomerezga wānthu kuchita umo iwo wākuchitira? Iwo ntha wākugwiriska ntchito Sefa ya munthu wakughanaghana, panji, Sefa ya Chiuta. Wonani icho iwo wākupanga. Iwo wākujikwezga iwōwene. Mpingo uli, mu mbewu yake yakupunduka ya ndondomeko ya umanyi, wapangiska mtundu wose kuŵa uburutu mwa sayansi za Mazgu gha Chiuta. Sono ine nizitorenge ndemanga zira, ine ntha ndizisungilirenge nyengo yitali sono, kuti ndimalizge. uburutu mwa sayansi! Para Chiuta, nkhanira pano pa charu chapasi, kuchitanga vinthu ivyo Iyo wakuchita, mwa Mazgu Ghake ghakulayizgika, ndipo iwo wākuzerezga Ichi ndipo wākufumapo chifukwa iwo mbaburutu mwa sayansi. Waburutu mwa sayansi!

²⁰³ Ine namwemweteranga kanyengo kanyake chifukwa cha M'bale Williams muno, wakalemba padera apa pa pepala, “Iwe ungamanya kukhalirira pa ichi kumuanya kose,” chinthu chinyake. Kweni, ine nkhuwonga kuti, icho ntchiweme chomene. Mukuwona?

²⁰⁴ Kweni wānthu a—wākwanangira dara. Ichi chapangiska a—ndondomeko yose ya mpingo wa charu muhanyauno kunjira mu kwananga kwakuchita kumunangira dara Chiuta. Chifukwa, ntchindi za ukhaliro wa chisanisani zisimikizgirenge kwa imwe kuti Uwu ndi unenesko. Viri makora. Chidiko cha udokezi chikaburumutizga maso ghake, ku Mazgu gha Chiuta, ndipo iyo wakujisanga iyomwene nkholi kamozaso. Imwe mukumanya, Chiuta, mu Chivumbuzi 3, wakati, “Zanga, ugure mankhwala ghanyake gha maso kwa Ine, mwakuti maso ghako panyake ghangajurika.” Wonani, Mankhwala gha Maso ndi Mazgu Ghake.

²⁰⁵ Imwe mukumanya, iwo wākuti, “Enya, munthu uyu wakasambira virimika fote, kuti watore madigrii ghake. Iyo ndi B.L.D., D.D., na chose ichi.”

²⁰⁶ Imwe mukumanya icho Yesu wakayowoya za icho? Iyo wakati, “Rekani munthu wajipate iyoyekha.” Paulos wakachita.

Imwe mukuti, “Icho ntha chikung’anamura icho.”

²⁰⁷ Enya, ntchifukwa uli Paulos wakachirondezga ichi, pamanyuma? Iyo wakati, “Ine ntha nkhwiza kwa imwe na mazgu ghakunyenga gha vinjeru vya munthu, chifukwa imwe muzengenge vigomezgo vyinu pa icho. Kweni ine nkhwiza kwa imwe mu nkhongono ya kuwonekera kwa Mzimu Mutuŵa, kuti mazgu ghinu ghangamanya kuŵa... chipulikano chinu chingamanya kuzengeka pa Mazgu gha Chiuta, ntha kuwonekera kwa vinjeru.”

²⁰⁸ Kukuwoneka kuti wantru wali kutaya ntchindi zaho na kujikhizga. Iwo ntha wali ngati ndiumo iwo wakawira kale. Kale kukachitikanga kuti, para muprofeti wakati, “NTHEURA WAKUTI YEHOVA,” wantru wakanjenjema. Enya, iwo nadi wakachita. Wantru wakasuntha, pakuti iwo wakawa na wofi. Kweni sono iwo wataya wofi wawo wose wa Ichi. Iwo wakumopa yayi Chiuta.

²⁰⁹ Solomon wakati, “M—kopa Chiuta ndi jando la vinjeru,” jando waka la ichi.

²¹⁰ Kweni muprofeti wangamanya kuyowoya NTHEURA WAKUTI YEHOVA, wantru wakuti, “Kupusa!” Wonani, palije chigomezgo pa iwo. Ichi ndi, iwo wakuti, “Chifukwa, ise ndise wamahara. Ise tiri na zeru za m’mutu, ise ntha tikwenera kuti titore mtundu uwo wa vinthu! Ise tikumanya icho ise tikuyowoya!”

²¹¹ Ndi ntharika yakale nayoso, yakuti, “Vindere viyendenge na skapato za mizumali, apo Wangelo wakopa kupondapo.” Nadi.

²¹² Sono, kasi kusinthika ndi vichi? (Mwaluwiro.) Kasi ise tikuchisanga uli ichi? Kasi ntchichi chikupanga kusinthika? Chiuta wakuchita ichi mwa Mzimu wa Mazgu Ghake. Iyo wakusintha. Iyo wakupanda Mbewu Yake, wakuponya Mzimu Wake pa Iyi, ndipo Iyi yikubaba chipaso. Mzimu Mutuŵa Wake ukusintha Mbewu ya Mazgu kuti ghakhozgeke na mtundu Wake.

²¹³ Mtundu wa mbewu iyo imwe muli, icho chikuwoneska waka icho chiru mwa imwe. Imwe mungabisa yayi ichi. Chirichose imwe muli mkati, ichi chikuwoneka kuwaro. Imwe mungabisa yayi ichi. Imwe ntha mungapanga khuni lira kuŵa chinyake kweni icho ili liri. Wonani, ili m—ili liwenge nttheura. Mzimu Mutuŵa wakusintha mbewu izo ziri mkati mwa iyi. Palije kantru kwali ndi mbewu ya mtundu uli, Uwu uyisinthenge iyi. Usange iyi njiheni, iyi yibabenge yiheni. Usange iyi njipusikizgi, iyi yibabenge mupusikizgi. Usange iyi ndi Mazgu gheneko gha Chiuta, Iyi yibabenge mwana mwanarumi mweneko panji mwana mwanakazi wa Chiuta, kwizira mu Sefa ya munthu wakughanaghana. Para Mbewu yamera, Iyi yikuyendera mu

Icho, Iyi yikubaba mwana mwanarumi na mwana mwanakazi wa Chiuta.

²¹⁴ Dazi limoza para charu chikâwa mu mdima wa nthimbanizgo, Chiuta... Sono tegherezgani mwatcheru, chifukwa ise ntha tiyowoyenge... mwakurutirirako pachoko waka. Wonani. Dazi limoza para charu chikâwaso mu mitundu yose ya visopo, kuchapanga mawoko, mapoto, kuvwaranga minjilira yakupambanapambana na vipewa, ichi chikâwa mkatikati mwa nthimbanizgo yakukwanira. Israel mweneko wa Chiuta wali kutimbanizgika chomene kufuma ku marango na vyakwimilira vya Chiuta, Yesu wakati, “Imwe, na myambo yinu, mukupanga Mazgu gha Chiuta kuâwa ghambura phindu ku wantru, kwizira mu myambo yinu.” Ndipo wâwoneni wâsofi wâtuâwa âwara, iwo wâkuwâchema iwo; ndipo Yesu wakati, “Imwe ndimwe âwa kwa dada winu, devulu, ndipo milimo yake imwe mukuchita.” Wonani, icho ndicho ndendende icho Iyo wakayowoya.

²¹⁵ Sono para charu chikâwa mu kaâiro kala ka kutimbanizgika, Mzimu wa Chiuta ukayendas pa Mbewu iyo yikâwa yakusankhikirathu. Iyo wakasanduliska na kusintha Yesaya 9:6 za phangano Lake; Iyo, Chiuta, wakazgoka thupi la muntru, kuti waponoske nyengo yira ya nthimbanizgo. Para muntru wakati wapangika mu chikozgo cha Chiuta, apa wakwiza Chiuta, mwa muprefeti kuchiwonerauthu ichi... Sono kumbukirani Mazgu, muprefeti wakachiwonerauthu ichi, muprefeti waka mweneyura uyo wakawona Satana mu mazuâwa ghaumaliro agha, wonani, gha ndondomeko iyi ya masambiro na vinthu ivyo iyo wali navyo, ndondomeko ya usopisopi. Muprefeti mweneyura, Yesaya 9:6, wakati, “Kwa ise Mwana wababika, kwa ise Mwana waperekeka; ndipo Zina Lake lizamuchemeka ‘Muphemaniiski, Kalonga wa Mtende, Chiuta Mwenenkhongono, Dada Wamuyirayira.’ Ndipo za muwuso Wake kuzamkuâwyе umaliro.” Ndipo Mazgu ghara ndi Mazgu gha Chiuta. Ndipo Mzimu ukayendanga pa Mazgu ghara, ndipo Uwu ukapangika mu nthumbo ya mwali. Amen. “Mwana wababika,” ntha wakalengeka, “wababika.”

²¹⁶ Satana wakayezga ndipo wakayezgaso, kuti wayithire Iyi. Iyo wakamutorera Iyo pachanya ndipo wakati, “Usange Iwe ndiwe icho Iwe ukuyowoya kuti Iwe ndiwe, nttheura ndichitire ine chinyake cha machirisko agha apa. Ndiwoneske ine umo Iwe ungachitira ichi. Ng'anamura ichi, chingwa, na malibwe agha kuâwa chingwa. Reka ise tikuwone Iwe ukuduka, chifukwa Lemba likuti Iwe uchitenge ichi.”

²¹⁷ Imwe mukuviwona viwanda visopisopi vira muhanyauno vichali kuyowoya chinthu chenechira? “Usange chiriko chinthu ngati machirisko Ghauzimu; apa pagona M'bale Wakuti-na-wakuti, reka ise tikuwone iwe ukumuchizga iyo.”

²¹⁸ Devulu mweneyura wakayimirira pa mphinjika ya Yesu, wakati, “Usange Iwe ndiwe Mwana wa Chiuta, khira pa mphinjika.”

²¹⁹ Mazgu ghakati Iyo wakaŵa Mwana wa Chiuta. Mzimu ukasimikizgira kuti Iyo wakaŵa Mwana wa Chiuta. Yesaya 9:6 wakakwaniriskika. Ndipo usiku unyake, wānandi ū imwe mu kupharazga mukapulika umo kuti ise tikuperekera Malemba ghanyake sikisite-chakuti ghambura kupulikiskika, pafupifupi, ine nkugomezga, za kusimikizgiranga kuti Lemba likayowoya kuti Yura wakaŵa Iyo.

²²⁰ O, Satana wakayezga ndipo wakayezgaso, kuchita chirichose. Usiku umoza, chigonere kumanyuma kwa sitima, iyo wakamuwona Iyo wali mutulo. Ndipo iyo wakati, “Ine ndimuparanyenge Iyo sono nthena.” Kweni iyo wakatondeka.

²²¹ Iyo wakamuyezga kuti Iyo wanjire mu kuchita chinthu chiheni, kweni iyo wakatondeka kuchita ichi. Chifukwa? Iyo wakathirika na chivikiliro cha kusankhikirathu. Iwo wāngapusikika yayi. Yayi, yayi. Mazgu ghakayowoya kuti Iyo wazamkuŵa kuno. Amen. Kulije devulu wamutangwaniskenge Iyo, ndipo kulije mwana munyake wa Chiuta, uyo wali kusankhikirathu kuti watore malo Ghake. Iyo wali kuthirika na chakujandizgira. Poyizoni wa Satana, madokotala gha bungwe ghakutondeka nanga nkhumukhwaska Iyo munthowa yiriyose. Iyo wakurutirira waka kwenda, palije chakuti chimutangwaniskenge Iyo, wonani. Ichi chirije nkongono pa Iyo.

²²² “Enya, Ine ndikupangenge Iwe bishop wa charu chose chapasi. Ine ndiri na ulamuliro pa ichi. Usange Iwe undisopenge waka ine, zanga ujoyine gulu lane, ine ndi—ine ndikupangenge Iwe mulamuliri. Ine ndikhirenge, Iwe ndikukwezgenge.”

²²³ Iyo wakati, “Fumako kwa Ine, Satana. Kuli kulembeka, ‘Iwe usopenge Chiuta, Mazgu, ndipo Iyo ndiyo pera ndiyo umutumikirenge.’” Ntheura dazi limoza...

Pa Munthu mukuru uyu, ine nkukhumba kuti ndikhalepo kanyengo apo.

²²⁴ Kweni dazi limoza, Mzimu ukiza pa Iyo kamozaso; chifukwa pakaŵa Mazgu ghanyake ghakalembeka za Iyo, ghakiza kufuma kwa Chiuta, kwizira mwa muprofeti, “Ndipo Iyo wakarongozgekera kuruta kukakomeka, ngati mwanamberere.” Ndipo Mzimu ukiza pa Iyo, ndipo ukamurongozga Iyo, ndipo ukamutuma Iyo ku mphinjika. Kula Iyo wakafwa. Ndipo chirichose icho chikayowoyeka za Iyo mu nyifwa Yake, chikakwaniriskika, kuti wapereke Kuŵara na Umoyo ku Mbewu zose zakusankhikirathu za Chiuta izo zikaŵa pa charu chapasi. Iyo wakiza na nthowa ya kuchitira ichi. Apa pali Mbewu, Mzimu ukuperekwa Umoyo; kusinthanga wāna wānarumi na wāna wānakazi ū Chiuta, kufuma ku charu mu chitimbaheti

ichi cha mdima, kufika mu wana wanarumi na wana wanakazi wa Chiuta.

²²⁵ Kukhuwara yayi pa lizgu lira lakuti “kusankhikirathu.” Ine nkhumanya imwe mukukhuwara. Kweni, tegherezgani, Agha ndi mazgu ghane yayi. Ndi limoza la Mazgu gha Chiuta. Imwe mukukhumba kuti muwazge ichi, wazgani Waefeso 1:5, cheneicho, “Iyo wali kutisankhirathu ise kufika ku kulereka kwa wana kwizira mwa Yesu Khristu.” Mukuwona?

²²⁶ Ndizomerezgeni waka ine ndiphwanye waka ichi miniti pera, mu, miniti pera, kuti ndiphwanye ichi chifumemo mu malingaliro ghinu. Wonani. Umo imwe mukawira mu wadada winu, pa chiyambi, nyongolosi ya mbewu. Kasi imwe mukamanyanga icho, waloyose wa imwe? Imwe mukawâ mwa sekuru winu mukuru-mukuru-mukuru, namweso, kasi imwe mukachimanyanga icho?

²²⁷ Wazgani Buku la Wahebere, uko kuti ise tikusanga kuti Levi wakapereka vyakhumi para iyo wakawâ mu chiwuno cha Abraham, miwiyo yinayi kumanyuma kwa iyo. Para Abraham wakapereka vyakhumi kwa Melekizedeki, ichi chikâwerengekera kwa mzikuru wake mukuru-mukuru pasi pa iyo, ndipo iyo panyengo yira wakawâ mu chiwuno cha Abraham. Apo imwe muli. Mukuwona?

²²⁸ Imwe mukawâ mchiwuno cha dada winu, kweni dada winu wakatondeka kuwa na wenenawene na imwe mpaka imwe mukasinthikira mu thupi la munofu.

²²⁹ Mwana wane kula wakawâ mwa ine. Ine—ine—ine nkhakhumbanga mwana, kweni iyo wakawâ mwa ine nyengo yira. Mukuwona? Iyo wakawâ mwa ine nyengo yira. Kweni kwizira mu ukwati, iyo wakasinthika kuwa mwanarumi ngati ine, ndipo pamanyuma iyo wakazgoka ngati ine.

²³⁰ Ndipo imwe mukuzgoka kuwa ngati wapapi winu, wonani, chifukwa ichi chikawâ mwa imwe, kwamba na kwamba. Sono usange ise ndise wana wa Chiuta, maukhaliro Ghake... Cheneicho, imwe ndimwe ukhaliro wa dada winu, ntha mama winu; dada winu. Nyongolosi yiri mu wadada. Mukuwona? Ndipo sono amama winu wakawâ chakukonkhomolera icho chikamubabani imwe, kubaba mbewu ya adada winu. Mukuwona?

²³¹ Ndipo charu chapasi, mu thupi, nachoso ndi chakukonkhomolera icho chikubaba mbewu ya Chiuta. Wonani, nkhanira ndendende. Ntha charu, kwali charu chiwê chikuli uli; ndi ukuru wa Chiuta uyo wakapanga ichi. Mukuwona? Mukuwona?

²³² Sono usange imwe ndimwe mwana mwanarumi na mwana mwanakazi wa Chiuta, ipo imwe mukawâ mwa Chiuta pa chiyambi. Imwe ndimwe ukhaliro Wake. Usange

imwe mukawako yayi kula, ipo imwe mukawapo yayi panji muzamkuwa yayi.

²³³ Chifukwa, ine ningababa yayi, kufuma mchiwuno mwane, mwana wa mwanarumi uyu *apa* panji mwanarumi yura *uko*, ine ningamanya kubaba wana wane pera, ndipo iwo wakozganenge na ine. Aleluya. Imwe mukuchiwona ichi?

²³⁴ Wana wānarumi na wana wānakazi wākawā mwa Chiuta pa chiyambi. Sono wonani. Imwe muli na Umoyo Wamuyirayira, imwe mukuyowoya. Ise tikugomezga ichi, kuti ise tiri na Umoyo Wamuyirayira. Enya, kuli mtundu umoza pera wa Umoyo Wamuyirayira, ndipo uyo ndi Chiuta. Ndicho chinthu chekha pera icho ntcha Muyirayira, ndi Chiuta. Ntheura usange imwe muli na Umoyo Wamuyirayira, Umoyo ula uwo uli mwa imwe nyengo zose ukawapo, ndipo imwe mukawā mchiwuno mwa Chiuta pambere kundawē nanga ndi charu. Ndipo para Mazgu Ighoghene... Yesu Iyomwene wakuchemeka Mazgu, ndipo mu Yohane Mutuwā 1, wakati, "Mu mtendeko mukawā Mazgu, ndipo Mazgu ghakawā na Chiuta, ndipo Mazgu wakawā Chiuta. Ndipo Mazgu ghakazgoka thupi ndipo wakakhala pamoza nase." Ipo imwe mukawā mchiwuno cha Yesu, ndipo mukaruta ku Mphinjika pamoza na Iyo. Imwe mukafwa pamoza na Iyo, ndipo imwe mukawuka pamoza na Iyo. Ndipo muhanyauno ise takhala mu malo gha Mchanyachanya mwa Iyo, wakuzuzgika na Mzimu Wake, wana wānarumi na wana wānakazi wā Chiuta. Kufwa pamoza na Iyo, kuwuka pamoza na Iyo. Nadi.

²³⁵ Sono ipo, sono, sono imwe mungamanya kuyanjana na Iyo. Imwe nthena mukachita yayi kale kula, chifukwa imwe mukawā waka Mazgu mwa Iyo, mbewu. Kweni sono Iyo wali kumuwoneskani imwe, ndipo sono Iyo wakukhumba imwe kuti muanjane na Iyo. Ntheura Iyo wakakhira pasi, wakazgoka thupi mwakuti Iyo wangamanya kuyanjana makoraghene na imwe. Mukuuwona wenenawene wakufikapo? O, mwe, vyamchindindi vikuru vira vya Chiuta! Mwe kunozga! Wonani, Chiuta nthena wakayanjana namwe yayi mu Mzimu, ntheura Chiuta wakazgoka munthu pamoza na ise.

²³⁶ Yesu Khristu wakaŵa Chiuta Iyomwene, wakawoneka, chifukwa, Iyo wakaŵa Mwana chifukwa Iyo wakababika, kweni uyu wakaŵa waka kachisi wa Iyo kuti wakhalengemo. "Kulije munthu wali kumuwona Chiuta pa nyengo yiriyose, kweni yekha pera Wakubabika na Dada wali kumuvumbura Iyo." Chiuta wakajizengera Iyomwene nyumba, thupi kuti wakhalemo, wakakhira mwakuti imwe mungamanya kumukhwaska Iyo. 1 Timote 3:16, "Kwambura kususka, ntchikuru chisisi cha uchiuta; pakuti Chiuta wakawoneka mu thupi, wakawoneka na Wāngelo, wakamugomezga, wakapokerereka Kuchanya." Mukuuwona? Sono Iyo...

²³⁷ Imwe pakuwa thupi, ndipo Iyo pakuwa thupi, ntheura imwe mungamanya kuyanjana sono, chifukwa Iyo waka wa ukhaliro wa Chiuta wa chitemwa. Chiuta ndi chitemwa. Ndi unenesko uwo? Ndipo Yesu waka wa ukhaliro wa Chiuta wa chitemwa. Ndipo para ukhaliro wa chitemwa ukati wawoneskeka, cheneicho, yura waka wa Chiuta Iyomwene; maukhaliro ghose agho ghaka wa mwa Iyo, ghakiza kwa Iyo, "Wose awo Wadada wali kundipa Ine, wizenge kwa Ine." Nadi, iwo wakayenera kuwa wakusankhirathu. Usange kuka wa ntheura yayi, imwe nthema muka wa kula. Mbwenu kwamara. Nadi.

²³⁸ Sono ise tingamanya kuyanjana, muka wa kwizira mu a—mausambazi gha Mazgu Ghake, ndipo mu cheneicho imwe ndimwe gawo lake. Imwe ndimwe gawo la Mazgu; chifukwa Iyo waka wa Mazgu pa chiyambi, imwe ndimwe Mazgu sono. Mukuwona? Ine nkupharazga usiku uwu, panji pa Sabata panji limoza la mazuwa para ine nafika, za icho Mazgu ghali, wonani. Ndipo sono imwe ndimwe gawo la Mazgu.

²³⁹ Tegherezgani. Pali chinthu chimoza icho ine ningachita yayi. Ine ninganyadira yayi pa wasekuru wane. Yayi, ine ndiri kwizira mu ukazuzi wakofya. Dada wane waka wa mu Irish. Mama wane waka wa mwenye wa kularata, hafu Mwenye; mama wake waka wa Mwenye, wakapokera penishoni. Sono, iwo wose, walowevu, pafupifupi wose wakafwa wavwara skapato zavo, kutchayananga, kulasanga na futi, na vinyake ntheura. In ninganyadira yayi za icho, chifukwa wasekuru wane na khuni la banja ndakofya.

²⁴⁰ Kweni, m'bale, pali chinthu chimoza ine ningamanya kunyadirapo, ine ningamanya kunyadirpa Fumu yane Yesu Mweneuyo wali kundiwombora ine. Ndipo na nkongono Yake yakusintha wakapanda mbewu, mwa kusankhirathu, ndipo ine nkachiwona Ichi. Kasi ine ndine mwana wanjani sono? Enya. Ine ningamanya kunyadirpa Iyo. Ndipo ine nakhala virimika sate-firii vyat umoyo wane, kunyadiranga pa Iyo. Usange Iyo wangandisungirako virimika vinyake sate-firii, ine ndiyezgenge kunyadirpa chomene pa Iyo. Mukuwona? Ine ningamanya kunyadirpa Sekuru wane, aleluya, Iyo mweneuyo wakandiwombora ndipo wakapanda mbewu ya Umoyo mkati umu, ndipo wakandizomerezga ine kulingalira pa Mazgu agha, wakatuma Mzimu Wake ndipo wakati, "Ichi chiria apa. Yowoya ichi, ndipo ichi chichitikenge. Chita icho." Ndipo o, mwe, ine ningamanya kunyadirpa Iyo! Kasi Iyo wakachita uli ichi? Kwizira mu kuchapika na maji gha Mazgu, maji gha kupatulanya. Nakhumbanga nthema ise tangurongosora ichi.

²⁴¹ Wakugomezga weneko wakusankhirathu wazamukhala na Mazgu chifukwa iwo ndi gawo la Mazgu ghara.

²⁴² O, nyenyezi zakuyingayinga, kasi imwe muyingenge mpaka pauli? Imwe wa Methodist, Baptist, Prezbeter, wakuwaro,

chirichose imwe mungamanya kuŵa, nyenyezi zakuyingayinga, kufuma ku mpingo kuruta ku mpingo, kufuma ku mzati kuruta ku malo, ndipo television kuruta ku television, charu kuruta ku charu, uli imwe mwize pakweru? Iyo wakukhumba kuŵa na wenewawene na imwe. Iyo wakupenja imwe. Iyo wakukhumba kuti wamusintheni imwe mwakuchita kuwezgeramo malingaliro ghinu, ntha kuruta ku mpingo panji ku bungwe, kweni ku Mazgu Ghake, cheneicho, imwe ndimwe gawo usange chilakolako icho chiri mwa imwe.

Wakutumbikika ndi iwo weneawo wali na njara na nyota ya urunji: pakuti iwo wati wakhutiskikenge.
(Mukuwona? Uh-huh.)

²⁴³ Ndipo Iyo wali kutuma nkhongono Yake yakusintha, kuti wamufumiskeni imwe mu kupunduka uku kwa chisopo icho imwe mulimo. Mu kupunduka uku mwenemumo ise tiri, Chiuta wali kutuma nkhongono Yake yakusintha, Mazgu Ghake, ghakukhözgeka, ghakusimikizgika, kuti wamufumiskenimo imwe mu kupunduka uku kwa chisopo cha uburutu icho imwe mukwendamo, “wankhuli, wachiburumutira, wachitima, ndipo mukumanya yayi ichi.” Ghanaghanani za ichi, wabwezi.

²⁴⁴ Imwe mukumanya, Chiuta wakatuma nkhongono Yake yakusintha kuti wakwaniriske Mazgu Ghake, ndipo wakasinthia thupi lose la Sara na Abraham. Wakamusintha mwanarumi muchekuru na mwanakazi muchekuru, chifukwa Iyo wakalayizga kuti Iyo wazamuchita ichi.

²⁴⁵ Ndipo icho Chiuta wapangana kuchita, cheneicho Iyo wachitenge. Kulije chinyake, chirichose... Chinthu chirichose chakutimbanizgika, Chiuta wangachita kalikose yayi na ichi. Kweni Iyo wasungirirenge Mazgu Ghake, ndipo Iyo watumenge Mzimu Wake! “Ine Yehova ndapanda Iyi. Ine ndithirirenge Iyi muhanya na usiku, mzire wanji wakwamphure iyi mu mawoko Ghane.” Baibolo likuyowoya icho.

²⁴⁶ O, nyenyezi zakuyingayinga, imwe na chilakolako mu mtima winu! Imwe mukwenera kuŵa nayo iyi, panji imwe nthema muli muno yayi mlenji uwu. Ndipo imwe nthema muli mu mipinga yira yayi na maholo, na vinthu ivyo imwe mulimo, kuwaro na kusirya kwa charu, usange Chinyake ntha chikamutorereninge kuno. Munthu munyake wakayowoya kwa imwe. Ntha ungarutiriranga munthazi. Kuli kuchapika na maji gha Mazgu, agho ghakupangenge iwe mutuwâ ngati chiwuvi. O, wana ū Chiuta, tegherezgani! Rekani kukhala mu kupunduka. Fumanimo mu ichi. Abraham wakagomezga Chiuta, ndipo wakachema chirichose chakususkana...

²⁴⁷ Imwe mukuti, “Kasi ine nisangenge uli vya kukhalira umoyo wane? Kasi ine nichitenge uli ichi?” Iyo ndi ntchito ya Chiuta. “Kasi ine nichitenge uli? Wabwezi wane wandirekenge ine.”

²⁴⁸ Chiuta wakati, "Iyo mweneuyo wasidenge adada âwake yekha, amama, muwoli, mfumu, vikaya, nyumba; Ine ndiâwapenge iwo nyumba na vikaya, Ine ndiâwapenge iwo âwadada na âwamama, na âwabale na âwalongosi, mu charu ichi, na Umoyo Wamuyirayira mu charu icho chikwiza." Ndi phangano, mubwezi. Icho, o, icho chikwenera kuti chithiririke! Phangano lirilose Chiuta wakupanga likukwaniriskika. Mbewu yiriyose ya Chiuta ndi phangano.

²⁴⁹ Ndipo, mlongosi, reka kudumura sisi ilo, chifukwa ichi ndi chinthu chambura kuzomerezgeka panthazi pa Chiuta. Reka kuvwara malaya agho, ndi ukazuzi kwa Iyo!

²⁵⁰ Imwe âwabale, imwe madoda, rekani kutumikira mabungwe agha, mu kuchita vinthu, na kuzomerezganga âwawoli âwinu kuchita vinthu ivyo. Ichi ntchambura kuzomerezgeka ku Wakhrusu.

²⁵¹ Wererani ku Mazgu! Torani Mazgu agho, Igho ghamerenge. Igho ghakwenera kuti ghamere. Nkhongono yakusintha ya Chiuta iyo yikamezga Iyi pa nyengo yakudankha, Iyo wali waka pa ulendo Wake kumanyuma, kuyiwezgereska Iyi kamozaso sono. Iyo yikuwerera nkhanira kumanyuma uko iyi yikaâwa.

²⁵² Enoki wakasandulika, kufuma ku nyifwa, kwizira mu nkhongono yakusintha ya Chiuta. Ntchifukwa uli Chiuta wakachita icho? Kuâwa chilinganizgo cha Mpingo wa kukwatulika uwo ukwiza. Enya. Elia wakaâwa chimozi.

²⁵³ Thupi la Yesu likasisipuskika pamanyuma pakuti likati lafwa. Ndipo mu dindi, thupi la Yesu likasisipuskika na Mazgu gha Chiuta; ndipo likasinthika, kufuma ku lakufwa, chikozgo chakuzizima, kufika ku wakuwuskika, Mwana wakuchindamikika wa Chiuta. Chifukwa muprofeti, Masalmo 16:10, usange imwe mukukhumba kuti mulembe ichi, 16:10, wakati, "Ine ntha ndizamkuwusida uzima Wake mu gehena, nesi Ine kuzakazomerezga Yumoza Wane Mutuâwa kuti wawone chivundi." O Chiuta!

²⁵⁴ Mazgu ghara ghakwenera kuti ghafiskike, Ichi ndi Mazgu gha Chiuta! Wapanda Ichi mu mtima winu, usange imwe mukukhumba kuti murute mu Mkhatulo. Usange imwe mukukhumba kuâwa Wakhristu âwakufikapo, torani Mazgu agha. Umo ine nkugomezgera wakaâwa Ezekiel, Chiuta wakati, "Tora buku ilo ndipo urye ili petu," mwakuti muprofeti na Mazgu vingamanya kuâwa chimoza. Ndipo phangano lirilose mwenemula likwenera kuti lijiwoneske ilolekha, chifukwa ndi Mbewu yapakudankha ya Chiuta. Kuzomerezga yayi wakusambira vyauchiuta munyake kuwaro uku wayezge kufumiskamo Ichi mwa imwe. Kumuzomerezga yayi iyo wamuthireni imwe na sayansi yira ya kuthupi na umanyi, na masambiro. Gomezgani Chiuta!

²⁵⁵ Abraham ntha wakatora kafukufuku wa sayansi wa nyengo yake, kuti, “Ine ndine muchekuru chomene kuwa na mwana, ine ndiri kuruta kutali chomene. Ine ndiri kuchita *ichi, icho, panji chinyake.*” Kweni iyo wakachema chirichose icho chikawa chakususka, ku Mazgu gha Chiuta, ngati kuti ichi chikawapo yayi. Ndipo iyo wakagwedegeka yayi pa phangano la Chiuta, kwizira mu kuwura kugomezga; kweni waka wa wakukhora, kuperkanga marumbo kwa Chiuta. Iyo wakamanya kuti Chiuta waka wa wamagomezgeko kuchita icho Iyo wakalayizga.

²⁵⁶ O, nyenyezi zakuyingayinga, zakupunduzgika na mitawa ya charu ichi! Walongosi wakuyingayinga, kuti malo na mafashoni gha charu ichi vyamukwetani imwe! Ndipo, mlongosi wakutemweka, iwe panyake unganighanaghanira kuti ine ndine wankhaza wakale, kweni limoza la mazuwa agha para iwe ukukumana na icho Florence Shakarian wakakumana nacho usiku unyake; iyo wakakhala mu chipinda ichi, nayoso, mu malo agha, umo imwe mukumanyira. Para imwe mukukumana na icho, imwe muzamkusanga kuti, ntha ine, kweni Mazgu agha nganeneska. Khalani kutali na mababa shopu ghara, mashopu ghara gha mafashoni. Khalani kutali na vinthu ivyo.

²⁵⁷ Mukuti, “Kasi iwe ukurekerachi kuwasambizga vinthu vikuruvikuru, umo wangawira *ichi?*” Yamba waka na ma ABC, ndipo pamanyuma ise tifikenge ku algebra. Mukuwona? Yamba waka kusambira, “weneuwo ndi uteweti wako wakwenerera.”

Mwantheura ine nkhumuweyani imwe, wabale, mwa lusungu lwa Chiuta, kuti imwe mupereke thupi linu kuwa sembe yamoyo, yituwa, na yakupokererera kwa Chiuta, weneuwo ndi uteweti winu wakwenerera.

²⁵⁸ Imwe chitani waka “uteweti winu wakwenerera,” Chiuta wachitenge vinyake vyose vya ichi; wonani, kughaghanaghana waka vinthu ivyo imwe mungaghanaghana mwa wene na kuchita. Kasi ichi ntha... Kasi ntchambura kwenerera yayi kuti mwanakazi wajivurenge iyomwene, na kuruta kuwaro uku na kuchita ngati ntheura, penepapo Baibolo likususka ichi? Kasi ntchambura kwenerera yayi ku mwanarumi kuti wajiponye iyomwene mu chisambizgo cha munthu chantheura ngati ndiumo ise tachitira muhanyauno, na vinthu vyose ivi uku, na vinthu vyose ivi vya seminare, na vinthu ngati ivyo, penepapo ichi mwakufikapo ntchakususkana na Mazgu gha Chiuta? Mukuwona?

²⁵⁹ Milomo ya Yesaya, iyo waka wa munthu wamba wa milomo yakufipirwa. Iyo wakati, “Yehova, ine ndiri pakati pa wantru wakufipirwa, ndipo ine ndiri na milomo yakufipirwa. Wasoka ndine chifukwa ine ndamuwona Chiuta.” Ndipo Mungelo wakiza, wakatora Moto, Moto Utuw kaufuma pa jotcheri la Chiuta, ndipo wakasinta milomo yake; kufuma ku milomo ya munthu wakuyingayinga, kufika ku milomo ya

muprofeti na NTHEURA WAKUTI YEHOVA. Nkhongono ya Chiuta yakusintha!

²⁶⁰ Êwalovi handiredi na twente, na—na wâlara pachoko âwakuguriska vyakunyezimira, vya wânakazi, ndipo wâra âwakawungana iwowêne mu chipinda cha muchanya ndipo âwakajara vijaro, wanjî wâ iwo nthâ wâmasambiro ghakukwanira kuti walembe mazina ghawo. Chiuta wakaâwasintha iwo kufuma ku êwalovi wâ somba, kufika ku êwalovi wâ wânthu; kufuma ku wânarumi na wânakazi wâ pa misewu, kufika ku wâtuâ wâ Chiuta, wâmbura chivundi. Nkhongono yakusintha ya Chiuta!

²⁶¹ Paulos, membara wamba wa mpingo, wa Prezibetere, Methodist, Baptist, Pentekosite, panji chinyake; kusika ku msewu iyo wakaruta, na mzimu wake ukuru wakunyoza mwa iyo, wakuti iyo wakamanya vinandi kuruska wânyake wâ iwo. Iyo wakasambizgikira pasi pa Gamaliel, yumoza wa wâsambizgi wâweme chomene awo wakaâwako mu charu. Kasi ntchichi chikachitika pa ulendo wake wakuruta ku Damaseko, kukatora gulu la wânthu awo wâkagomezganga Mazgu gha Chiuta? Pa ulendo wake wakuruta kusika kula, wakatimbikira pasi, ndipo iyo wakapulika Uthenga. Ndipo Uwu ukamusintha iyo kufuma ku membara wa mpingo na wakwenda ku tchalitchi; kufika ku muprofeti wa Chiuta, uyo wakalemba Mazgu gha Chiuta, mu Chipangano Chiphya. Kufuma ku membara wa mpingo kufika ku mutuwâ!

²⁶² O, nyenyezi yakuyingayinga, tiyeni tilekezge. Mwana wakuyingayinga, Mbewu yakuyingayinga iyo yikwenda kufuma malo kuruta ku malo, mu kupunduka uku; mlenji uwu, wâna. Chonde ndipulikeni ine ngati a—ngati munthu uyo wakuyezga kuyimilira pakatikati pa wâmoyo na wâkufwa.

²⁶³ Kuwaro ku charu uko upharazgi ukufika usange imwe muchali wâkulumikizika, imwe mwâweneimwe muli kuyingayinga kunjira mu malo, chonde lindizgani miniti pera. Ine nkhumanya nyengo yamara kuno mu Tucson panji, nkhopempha mundigowokere ine, Phoenix, ndi maminiti twente kuti yikwane thweluvu. Ndipo ine ndâwasunga wânthu âwa muno mlenji wose. Ine ndamujombeskani imwe ku ntchito yinu na vinthu. Kwesi wona, mubwezi wakutemweka, iwe panyake wakhala kutali na Chiuta tuyirayira. Chonde werako mlenji uwu. Uchitenge yayi iwe? Ghaliko malo pa Mbwiwi.

Mu chakuryeramo viweto kale chomene, ine
nkhumanya nadi chirî ntheura,
Mwana wakababika kuti waponoske wânthu
ku kwananga kwawo.
Yohane wakamuwona Iyo mumphepete mwa
nyanja, Mwanamberere wamuyirayira,
O, Khristu, Wakapayikika pa Mphinjika.

O, ine nkhumutemwa Mwanarumi yura wakufuma ku Galileya, wakufuma ku Galileya,
 Pakuti Iyo wali kunichitira vinandi chomene ine.
 Iyo wali kunigowokera zakwananga zane zose, wakaŵika Mzimu Mutuŵa mwa ine;
 O, ine nkhumutemwa, ine nkhumutemwa Mwanarumi yura wakufuma ku Galileya.

Wakusonkheska msonkho wakaruta kukapemphera mu tempile kula dazi limoza, Iyo wakachemerezga, "O Fumu, mundilengere lusungu ine!"
 Iyo wakagowokera kwananga kulikose, ndipo mtende ukuru ukanjira mkati mwake;
 Iyo wakati, "Zanineg muzakamuwone Mwanarumi uyu wakufuma ku Galileya." (Mbunenesko.)

Ŵakupundukwa wakayenda, mbuwu zikayowoya,
 Nkhongono yira yikayowoyeka na chitemwa pa nyanja;
 Wachiburumutira wakalaŵiska, ine nkhumanya ili lingamanya kuŵa
 Lusungu lwa Mwanarumi yura wakufuma ku Galileya.

²⁶⁴ Linganizgani icho na utumiki wa muhanyauno.

Mwanakazi pa chisime, Iyo wakamuphalira mwanakazi zakwananga zake zose wakachita,
 Umo iyo wakawira na wananumi wankhonde pa nyengo yira.
 Iyo wakagowokerekwa ku kwananga kulikose, ndipo mtende ukuru ukanjira mkati mwake;
 Iyo wakachemerezga, "Zanineg muzakawone Mwanarumi uyu wakufuma ku Galileya!"

²⁶⁵ Mwanakazi, Iyo wangamanya kuchita chimozimozi. Iyo waŵazga mtima wako mlenji uwu. Mwanarumi, Iyo waŵazga mtima wako. O, wamsonkho, tiyeni tirombe!

O, ine nkhumutemwa Mwanarumi yura wakufuma ku Galileya, wakufuma ku Galileya,
 Pakuti Iyo wali kunichitira vinandi chomene ine.

Iyo wali kunigowokera zakwananga zane zose,
 waŵika Mzimu Mutuŵa mkati mwane;
 O, ine nkhumutemwa, ine nkhumutemwa
 Mwanarumi yura wakufuma ku Galileya.

²⁶⁶ Kasi imwe mumutemwenge yayi Iyo, pamoza na ine, mlenji uwu? O, wambura kukhazikika, wakwananga wakuyingayinga, muno panji kuwaro kulikose iwe ungamanya kuŵa, kasi iwe uyizomerenge Fumu yane mlenji uwu? Iyo ndi Mazgu, ndipo Mazgu ghaperekaka kwa iwe. Kasi iwe umuzomerenge yayi Iyo mlenji uwu? Uli iwe ukwezge waka mawoko ghako panji yimirira pa marundi ghako, panji chinyake, ndipo pemphera, kuti, “Ine nkukhumba kuti ndimuzomere Iyo sono nthena. M’bale, ine nkukhumba. Ine sono nthena nkukhumba kuti ndimuzomere Iyo.” Uli iwe uyimilire pa marundi ghako, waliyose uyo wakhumbanga kuti warombereke, ndipo yowoya, “Ine ndine . . .” kupempherereka, mphanyiko, “ine ndine wakwananga. Ine nkukhumba . . .” Chiuta wakutumbike iwe, bwana. Walipo munyakeso? Waliyose wapemphere sono, miniti pera.

O, mu chakuryeramo viŵeto chira kale chomene, (Mukaŵa mu chitimbaheti, imwe mukumanya, ndimo charu chikâwa.) ndipo ine nkhumanya ichi nadi chiri nttheura, Mwana muchoko wakababika kuti waponoske wantru ku kwananga kwavo.

Para Yohane wakati wamuwona Iyo mumphepete mwa nyanja, Iyo wakaŵa Mwanamberere yura wamuyirayira, (Yumoza mweneyura muhanyauno.)

O, Iyo ndi Khristu, Wakapayikika pa Mphinjika.

²⁶⁷ Kasi imwe mumutemwenge yayi Iyo muhanyauno na mtima winu wose, mwakuti imwe mungamanya kufumamo mu kaŵiro aka ka charu ako imwe mukukhalamo? Imwe mwaŵanakazi, imwe wanarumi, o, kasi ntchifukwa uli imwe mwangukhala muno nyengo yose iyi? Ichi chikuwoneska kuti muli chinyake mkati mwa imwe, muli chinyake umo chiri na njara na nyota. Imwe nthena mwangukhala yayi muno maora ghaŵiri panji ghatatu agha, kukhala mu nyumba iyi ngati nttheura; chiripo chinyake. Uli imwe mupulikire waka ichi muhanyauno? Zomerezgani mafashoni na sayansi, na vinthu vyose vyaya charu, vimare mu malingaliro ghinu sono nthena, m’bale wakutemweka panji mlongosi wakutemweka.

Mipingo yikuwungana, vyaru vikuru vikuphwasuka, Israel wawuka,
 Vimanyikwiwo ivyo waprofeti
 wakayowoyerathu;

Mazuwa gha waMitundu ghawerengeka, na
masuzgo ghakujandizga;
“Wererani, O wakumbininika, ku kwinu.”

Dazi lira la uwombozi liri pafupi,
Mitima ya wantru yikuropwa na wofi;
Zuzgikani na Mzimu, muwe na nyali zinu
zakubuska na zakuwara,
Yinukani! Uwombozi winu uli pafupi.

Waprofeti watesi wakuteta, Unenesko wa
Chiuta wakuwukana,
Kuti Yesu Khristu ndi Chiuta withu.

²⁶⁸ Sono, uwo mbunenesko. Imwe mukumanya icho, ise tose, nyengo iyo ise tikukhalamo. Kweni Iyo wakati:

Kuzamkuwa Kuwara kunyengo yakumise,
Nthowa ya ku Uchindami muzamkuyisanga
nadi.

²⁶⁹ Iyo ndi nyengo iyo ise tikukhalamo sono nthena. Kuwara kuzamkuwara nkhanira ku nyengo yakumise para mdima ukuyamba, nyengo yakutchona zuwa, nyenyezi yakumise.

Nyenyezi ya kutchona zuwa na nyenyezi
yakumise,
Ndipo pamanyuma pa icho mdima!
Mphanyi pazakareke kuwa chitima cha
kulayirana,
Para ine nkhunyamuka kwaumaliro;

Pakuti awo walije mbakujandizgika na nyengo
na gawo,
Ndipo majigha ghangamanya kundinyamulira
ine kutali,
Kweni ine nkhukhumba kuti ndimuwone
Payiloti wane maso na maso
Para ine ndajumphra chakutchinga.

Ntha mungandiphaliranga ine, mu manambala
ghakutengera,
Umoyo ndi loto waka lamwazi!
Ndipo uzima ngwakufwa uwo ukugona tulo,
Ndipo vinthu ntha viri ngati ndiumo ivi
vikuwonekera.

Enya, umoyo uliko! Ndipo umoyo ndi chikhole!
Ndipo dindi ntha ndicho chirato chake;
Pakuti iwe ndiwe dongo, ku dongo ukuwerera,
Ntha kukayowoyeka za uzima.

Maumoyo gha wānthu wākuruwākuru wose
 ghakutikumbuska ise
 Ndipo ise tingamanya kupanga maumoyo
 ghithu ghakudokerekā,
 Ndipo kupatukana, kukureka kumanyuma
 kwithu,
 Vidindo nya marundi pa michenga ya nyengo;
 Vidindo nya marundi, kuti panyake munyake,
 Apo tikwenda pachanya pa chakulinga
 cheneko cha umoyo,
 Wakukhumudwa na m'bale wakutayika,
 Mu kulaŵiska, wazamkutora mtima
 kamozaso.
 Tiyenī tiŵe muchanya, ntheura, na kuchitanga,
 Na mtima wambura ukali;
 Kuŵa ngati wambura kuyowoya yayi, ng'ombe
 yakuyendeskeka!
 Uŵe ngwazi mu mbembe!

²⁷⁰ Chiuta wakutemweka, iwo Mbinu. Ine ndawona wānarumi
 wāwiri wāyimirira pa marundi ghawo, Wādada. Ine nkhuromba,
 Chiuta, kuti Imwe muŵatorenge iwo sono. Iwo wākukhumba
 kuŵa wana Wānu. Iwo wāfumamo mu umbuli wa umoyo uwo iwo
 wāli kuhala, ndipo sono iwo wākukhumba kuti wāwereremo,
 kamozaso, na ubapatizo wa Mzimu Mutuwā pa Mbewu yira
 iyo yapandika mu mitima yawo dazi ili. Chiuta Wamuyirayira,
 Mlengi wa chinthu chirichose, Imwe mukapanga Mazgu Ghinu,
 ndipo ine nkugomezga kuti Imwe mukamanya kuti wānarumi
 aŵa wāchitenge ichi mlenji uwu. Ine nkhuromba, Fumu, kuti
 Imwe muthirirenge Mazgu agho, muhanya na usiku, ndipo
 ntha mungazomerezganga Satana kuti wapoke ichi kufuma
 mu mawoko Ghinu. Mphanyi ili languŵa khuni ilo nyengo
 zinyake, mu Paradiso wa Chiuta, para lose ili lawezgerekaso,
 pakuti Mazgu Ghinu ghangatondeka yayi, ichi chizamkuŵako
 kamozaso. Pakuti charu ichi . . .

²⁷¹ Ndipo ntha kuzamkuŵa chitukuko cha mtundu uwu
 mu charu icho chikwiza. Kuzamkuŵavye magalimoto panji
 chirichose icho sayansi yiri kupanga. Kuzamkuŵavye vinthu
 vyantheura mu charu icho chikwiza. Kweni uzamkuŵa mtundu
 wa chitukuko cha Chiuta Yekha icho Iyo wazamukhazikiska mu
 muwuso wauchindami. Pakuti, mu chitukuko ichi muli urwari,
 nyifwa, chitima, madindi, na kuperewera. Kweni mu Ufumu
 ula uwo ukwiza, kulije nyifwa, kulije chitima, kulije urwari,
 kulije uchekuru. O Chiuta, chose chizamkuŵa chiphya kula, mu
 chitukuko Chinu.

²⁷² Chiuta, tisintheni ise muhanyauno, na nkhongono Yinu,
 mwakuchita kuwezgeramo malingaliro ghithu, kuti tifumemo
 mu vinthu nya uzukusi nya charu ichi sono, kufika ku Mazgu

gha Chiuta. Ndipo nkhuromba ise tiwereremo kwizira mu nkhongono yakusintha ya Chiuta pa Mbewu iyo yiri mu mtima withu, kuti ise tikugomezga, kufika ku vilengiwa vyakuchemeka wana wanarumi na wana wanakazi wa Chiuta. Ili ndi lurombo lane kwa Imwe, Wadada, kurombera wantru, mu Zina la Yesu. Amen.

²⁷³ Sono kwa imwe mwaŵeneimwe muli kuwaro uku mukupulikizgira, kulikose imwe muli, ine nkukhumbu kuti imwe mumupokerere Khristu kuwaro uko, ngati Muponoski winu mwaŵene, ndipo muzuzgike na Mzimu Wake. Mazgu agho ghayowoyeka mlenji uwu, nkhuromba Igho ghanjire mu mtima winu. Ndipo nkhuromba kula imwe mumupokerere Yesu. Ndipo imwe muwone umoyo winu, ndipo imwe muwone icho imwe mukhalenge pamanyuma. Ndipo torani Sefa ya muntru wakughanaghana apa. Imwe mukuijwona mwaŵene mukuchita chinyake icho ntchakususkana na Mazgu agha, fumaniko ku ichi, nkhanira mwaliwiro. Mukuwona? Chifukwa, kuli Sefa iyo yikujanda nyifwa kwa imwe, agho ndi Mazgu gha Chiuta. Mazgu Ghake ndi Umoyo, ndipo Igho ghamuthaskeninge ku nyifwa.

²⁷⁴ Mwaŵanthu muno sono imwe muli mu holo, ine naŵa namwe muno nyengo yitali. Ine nkhumuwonganu imwe chifukwa cha kwiza kwinu. Ine nkhuromba kuti Chiuta nthu wazomerezgenge Mbewu iyi kuti yifwe. Ine nkugomezga kuti imwe nthu mukughanaghana kuti ine nayimilira pano kuti ndiyowoye waka vinthu ivi kuŵa wakususka. Ine nkuyowoya ichi chifukwa cha chitemwa; ndipo kumanyanga kuti ndi penepapo ine ndichali muthupi, umo ine ndiliri sono, ndi nyengo yimoza pera ine ndiŵenye wankhongono kupharazga ku wantru. Ndipo ine nkhumutemwa Yesu Khristu. Iyo ndi Muponoski wane. Ndipo kumbukirani, ine nthenu ndiri kuwaro kula ku msewu usange kukaŵengevye Iyo. Ine nthenu ndiri kuwaro kula; wapapi wane wose, wantru wâkwithu wose, wakaŵa wâkwananga. Kweni Chiuta, na nkhongono Yake yakusintha, ine nkhumanya iyi yikapanga chilengiwa chakulekana kufuma mwa ine. Ndipo ine ningamanya—ine ningamanya kulimbikiska ichi kwa imwe, kuti muŵe wâweme. Ndipo iyi yimusungeninge mu maora gha suzgo. Nanga ndi pa nyifwa, pa muryango, imwe mulije wofi. “Kulije chirichose chingamanya kutipatula ise ku chitemwa cha Chiuta, awo ndi wali mwa Khristu.” Nkuromba Chiuta watumbike waliyose wa imwe, ndipo wamupaseni imwe Umoyo Wamuyirayira.

²⁷⁵ Kasi mbalinga muno awo wâlije Mbewu ya Chiuta, ubapatizo wa Mzimu Mutuŵa? Uli iwe ukwezge waka woko lako, kuti, “Mundikumbukire ine, M’bale Branham, kuti ine ndipokere Mzimu Mutuŵa ula.” Sono imwe torani Mazgu ghanjire mu winu—mu mtima winu, ndipo gomezgani Ichi. Sono usange imwe... Imwe mungamanya kulaŵiska pa imwe. Rutani

ndipo mukalaŵiske pa galasi, ndipo imwe mungamanya kuwona apo imwe muli. Wonani, imwe mungamanya.

²⁷⁶ Iwe ukuti, “Enya, ine nangukwezga yayi woko lane, chifukwa ine nkugomezga ine ndiri nawo.”

²⁷⁷ Jilaŵiske wamwene mu galasi, pamanyuma iwe uwonenge mtundu wa mzimu uwo ukukunyenga iwe, wona. Kughanaghana kwakupusika! “Yiriko nthowa iyo yikuwoneka yiweme kwa munthu, kweni umaliro wake ndi nthowa ya nyifwa.” Ndi unenesko uwo?

Para pa Mphinjika Muponoski wane wakafwa,
Wakaruta kula kuti wakanitzge ine ku
kwananga;
O, kula ku mtima wane Ndopa zikaphakika;
Uchindami . . .

²⁷⁸ Jarani waka maso ghinu, miniti pera sono, ndipo yimbani waka kwa Iyo. Tiyen'i tikwezge waka mawoko ghithu muchanya.

Uchindami ku Zina Lake! (Zina Lake
lakuzirwa!)
Uchindami ku Zina Lake!
Kula uko mtima wane ukaphakika Ndopa;
Uchindami ku Lake . . .

²⁷⁹ Ine nkhukhumba imwe Wakhristu kuti mukorane chasa yumoza na munyake, imwe muli kuponoskeka.

Ine ndaponoskeka mwakuziziswa ku
kwananga,
Yesu wakukhala mkatı mwane,
Kula pa mphinjika uko Iyo wakanditora ine;
Uchindami ku Zina Lake!

Uchindami ku Zina Lake! (Zina Lakuzirwa!)
Uchindami ku Zina Lake!
O, kula ku mtima wane Ndopa zikaphakika;
Uchindami ku Zina Lake!

²⁸⁰ Ndopa ziri na nyongolosi ya Umoyo mwa Izi, imwe mukumanya. Ichi ntcha kwa iwo weneawo wakumumanya yayi Iyo:

O, zaninge ku Mbwiwi iyi yiweme na
yakunowa;
Ponyani uzima winu wachitima pa marundi
gha Muponoski;
O, njirani muhanyauno, ndipo muŵe
wakufikapo;
Uchindami ku Zina Lake!
O, uchindami ku . . .

Tiyeni tisindamiske mitu yithu sono apo ise tikwimba iyi.

Uchindami ku Zina Lake!
 Kula ku mtima wane Ndopa zikaphakika;
 Uchindami ku Zina Lake!

²⁸¹ Imwe mukumutemwa Iyo? [Gulu likuti, “Amen.”—Munozgi] Paulos wakati, “Ine ndiyimbenge mu Mzimu. Ine ndisopenge mu Mzimu.” Tiyen tiyimbeso iyi nkhanira mwapasipasi, na mawoko ghithu muchanya.

²⁸² Imwe mukumanya, suzgo la ichi, ise wantru wa Pentekosite, ise tiri kutaya chimwemwe chithu, ise tiri kutaya kujijirika kwithu. Umo Billy Graham wakayowoyerera usiku unyake, “Wapharazgi wara, makolara ghakugadabulika, kurutanga kusika Kumwera, kukuwanga mawoko ghawo, na kutchayanga marundi ghawo kukwera-na-kukhira pasi, na kupondanga, iwo wantru na chinyake icho iwo wanakondwa nacho.” Enya, nadi, ine ndiri na Chinyake icho ine nkhukondwera. Mukuwona? Mukuwona? Enya, ise tiri kutaya kujijirika kwithu.

²⁸³ Sono tiyeni tikwezge waka mawoko ghithu. Kwenjerwa yayi na masozi, igho ghapwetekenge chirichose yayi, wonani. Agho ghakupweteka yayi. “Iyo mweneuyo wakuruta kukamija, mu masozi, kwambura nkhayiko wazamkuweraso, wanyamura mitolo yakuzirwa.” Viri makora.

Uchindami ku Zina Lake! (Zina Lakuzirwa!)
 Uchindami ku Zina Lake!
 Kula ku mtima wane Ndopa zikaphakika;
 Uchindami ku Zina Lake!
 Uchindami ku Lake . . . (O Chiuta! Warumbike
 Chiuta!)
 Uchindami ku Zina Lake!

Pandani Mbewu, Fumu, mu mtima!

. . . ku mtima wane Ndopa zikaphakika;
 Uchindami ku Zina Lake!



NKHONGONO YA CHIUTA YA KUSINTHA CTK65-0911
(God's Power To Transform)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Chisulo mlenji, Seputembara 11, 1965, ku Full Gospel Business Men's Fellowship International pa chakurya cha mlenji ku Ramada Inn mu Phoenix, Arizona, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyeroy vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org